

MEETSE A KA MEHLA

GO TŠWA LESWIKENG



Re tletše tebogo mosong wo bakeng sa Bogona bja Morena Modimo, bjoo bo tlogo thoma ditirelo tša ka pela ka go re fa molaetša, gore—gore re swanetšego go o “theetša, go ba tlhomphokgolo” pele ga Gagwe, gore O ne se sengwe go re botša. Ke ne kgonthe gore O tla dira sela se A se tšhepišitšego. Ka mehla O boloka Lentšu la Gagwe. Gomme kafao re tletše tebogo go kgobokana mmogo, re phela, gomme lehlakoreng le la Bokagosafelego mosong wo, le go kgona go rapela Morena gape, le go kgobokana renabeng mmogo le go kwa go tšwa go Yena. Ke ka baka leo re tlogo mmogo, ke bakeng sa morero wona wo.

² Bjale, ke bile go šwahlela Ngwanešu Neville, a se a letela, lehono, ka lebaka la toro tsoko ke bilego le yona. Yeo...ke dumela go...ke...go ditoro. Ke dumela gore Modimo o šoma le batho ka ditoro. Gomme ke bile le yona toro ya go se tlwaelege, bošego pele ga bja go feta. Yeo, ke be ke eya go bapa thokong ya thaba, thokong tsoko ya thaba, ke eya lefelong la go jela moo ke bego ke eya go ba le matena a ka—a ka. Gomme ke lemogile gore, ge ke batamela kgauswi le lefelo, ba be ba bapala mmino, okhestra e be e bapala mmino, ka dibaolini, gomme ba thabiša batho ge ba be ba eja. Gomme go be go ne se sengwe ka ga yona se ke sa se ratago, kafao ke nno feta selo ka thoko. Gomme ke kopane le yo mongwe a tla godimo thabeng. Gomme ke lebeletše, gomme batho ba bantši ba be ba etla godimo thabeng go lefelo le la go jela. Eupša ke bile mogwa wa go ba katoga, ka retologela go la go ja, goba, la ngele.

³ Gomme ka mogwa wo mongwe, tlase moeding, ke kgonne go bona tabarenekele. Ke kwele segalontšu sa yo mongwe, se rile, “Gahlanetša Ngwanešu Branham magahlano a itšego a itšego. O theoga go tšwa thabeng godimo fale. Gomme o mmošše selo se sebjalobjalo.” Gomme ke potlakile go fihla go magahlano a.

⁴ Gomme ge motho a etla godimo, e be e le Ngwanešu Neville a apere sutu ya gagwe ye tshotho, o lebegile feela boka a lebege a dutše fale mosong wo. Gomme o rile, “Ngwanešu Branham, ge eba o ya go ba ka go toropokgolo,” o rile, “go tla ba se—se selo se sebotse go wena go tla tlase, gobane Ngwanešu Hank...” Bjale, yo motee a nnoši ke mo tsebage, Ngwanešu Hank, ke Ngwanešu Henry Carlson, re mmitša Hank. Ke rile, “A ka nagana go be go tlabo gore ga se o etele tabarenekele gantši ge eba o ya go ba tikologong ya toropo, goba tikologong ya toropokgolo matšatši a se makae.” Ke ile ka tsoga.

5 Gomme, go yeo, ke ikwetše mohuta wa go tla. Ga se ke nyake go tsenatsena mo nakong yela ya beke, go fihla ke kgopetše Ngwanešu Neville ge eba o ne e ka ba eng sa go ikgetha bakeng sa mosong wo, bakeng sa kereke. Kafao o bile mogau, bjalo ka mehla, o rile, “Etna pele tlase.” Kafao, re no tla pele. Ke mo leleditše thari maabane morago ga sekgalela, gomme ka tla mosong wo, go se gwa letelwa ke e ka ba mang wa rena.

6 Bjale ke a dumela gore go tla ba selo se sebotse, sa pele, go nna feela mohuta wa go—go hlaloša go lena dilo tše dingwe. Nna ke, mohlomongwe, motho wa learogi kudu go batho ba bantši. Gomme ke mohuta wa go ba learogi go nnamong, gape. Ka gobane, ke leka go latela ketelopele ya Moya wo Mokgethwa, feela kgauswi bjalo ka ge nka kgona. Gomme seo se re dira maarogi, le a bona. Re dira dilo tseo ka kgonthe re—re dulago fase le go di makalela dinako tše dingwe, “Gobaneng ke dirile se se bjalo? Go bile bjang ke tsoge ke dirile selo boka seo?” Gomme thwi nako yeo o ka no nagana gore o dirile tlwa se o swanetšego go be o se wa se dira. Eupša ge o ka no se fele pelo, gomme wa ba le tumelo, gomme o ne kgonthe gore Modimo o go hlahlile go se dira, o tla hwetša go šoma feela tlwa gabotse. Le a bona? Gomme makga a mantši re hwetša seo. Gomme ke a tseba Ngwanešu Neville o hweditše seo, makga a mantši. Le baetapele le batho ba semoya ba lemoga seo.

7 Go bile nako ye nngwe bophelong bja ka gore . . . Nneteng, ge e sa le ke no ba mošemane, ga sa nke ka ke ka ikwela gona go hlahlwa gore ke swanetše go dula ka—ka Jeffersonville. Ka mehla go bile ntšhi ka setlolong, go nna go leka go dula fa. Sa mathomo, klaemete e ganana le nna gampe. Selo se sengwe, go bonala go ba moya wa go ngena.

8 Ge o eya morago le go lebelela felotsoko fa, ge go se gwa senywa nakong ya meetsefula, go ne lengwalo go seo, leo ke bilego le lona, la mathomo ke bileditšwe bodireding, ke thomile go tloga. Gomme Ngwanešu George DeArk le nna . . .

9 Le mmago Ngwanešu Graham Snelling, Ngwanešu Hawkins yo a laolago karatšhe ya petrole ka New Albany, le bontši bja batho, ba kopane le nna ka ntle ga kopano ye nnyane ya thapelo godimo fa. Gomme ebile ba rile, ge nka dula, ba tla fepa bana ba bona tafoleng, go—go aga tabarenekele, gore ba ke se sa tšewatšewa go tloga lefelong go ya lefelong.

10 Ge ke kwele mme yola yo monnyane, ka lesea le letee a le swere ka seatleng sa gagwe gomme le lengwe letsogong la gagwe, a bolela gore o ikemišeditše fepa bana ba gagwe mo tafoleng, gore go agiwe lefelo moo ba ka go dula le go rapela, go bile gannyane bontši kudu go nna go ema. Kafao Ngwanešu George le nna re kopane mmogo le go tšea sephetho re tla dula le go aga tabarenekele.

11 Gomme ge tabarenekele e agilwe, ka mehla e bonagetše . . . Mosong wo ke gafetšego tabarenekele, pono e tlile, ye e ngwadilwego le mo go letlapalasekhutlo fale, ge Moya wo Mokgethwa o rile go nna, “Ye ga se tabarenekele ya gago.” Le a bona? Gomme ke botšišitše moo tabarenekele ya ka e bego e le gona, gomme O mpeile fase ka tlase ga mafaufau a go taga a bolou. Gomme nako yeo O rile, “Dira mošomo wa moebangedi,” le go ya pele, bjalo ka ge le tseba. Go ngwadilwe ka dipukung.

12 Dilo tšela tšohle di beilwe mmogo. Gomme letšatši le lengwe ge ke be ke kota bjang jarateng godimo fale moo Ngwanešu Wood a dulago bjale, le mmatswale wa ka o dutše fale nakong yeo; ke dutše ka setepising sa morago, setepisi se sennyane sa kgale sa khonkhoriti, moo ke bego ke agetše mmatswale wa ka lefelo le lennyane le fale. Gomme o be a le mohlokomedi wa kereke nakong yeo, a e hlokomela. Gomme feela go hlaka bjalo ka ge e ka ba mang a ka go bolela, Segalontšu se boletše le nna, se rile, “Nka se tsoge ka go šegofatša ge feela o dula fa. O swanetše go ikaroganya wenamong le batho ba geno le lefelo le.” Gabotse, nna, seo se no ntseketlanya ka diripa, lebaka la e ka ba beke goba bontši.

13 Kgafetšakgafetša, nako yohle, Sengwe se ntsheboditše, “Tloga, tloga. Sepelela thoko ya bodikela. Eya pele o eya bodikela.” Gabotse, nna . . . Ka mehla go ntshwentše. Gomme go bonala eke nako ye nngwe le ye nngwe . . .

14 Bjale, ke be ke e dirile go hlaka ka monaganong wa ka gore beke ye ke fofela Tucson, moo ke bego ke yo renta lefelo, go ba fale maregeng a; go bea bana ka sekolong, go thoma ka Setemere. Ke bile le lefelo. Ebile go bile le lefelo ke le filwego fale. Eupša go ne se sengwe seo . . . Gomme—gomme ge ke sepetše . . .

15 Selo se sengwe ke ratago go se bolela. Feela pele re aga ntlo ye godimo fa, lefelolamoruti, moo le lego bjale, ga se ke nyake go aga fale. Mmago mosadimogatša wa ka o be a tšofetše. Gomme ebile o llile ka yona, o rile, “Ke no se kgome go tlogela mama, le go tsebeng o tšofetše, gomme a ka no se hlokomelwe.” Gabotse, ke kwešišitše sela. Ke a kwešiša. Yola ke mmagwe, gomme mme a nnoši a kilego a ba le yena, goba a ka tsogego a ba le yena. Kafao, ke kwešišitše sela. Kafao ke—ke rapetše Morena, ke rile, “Morena, go beng gore ga ke rate lefelo,” Ke rile, “ntire go kgotsofala. Ke tla ya e ka ba kae moo O nyakago ke eya, go tloga e ka ba kae. Eupša ga ke nyake go swabiša mosadimogatša wa ka, go mo tloša fa, ka go naga e šele moo a sa tsebego motho. Gomme gona ga ke gona nako yohle, go le bjalo. No ntira ke kgotsofale go ba fa le yena.”

16 Gomme bjale, ge mmagwe a tšerwe, gomme a ile Letagong, gona tšhušumetšo še e tla gape, le a bona, bjale go ya pele. Ga ke tsebe ke dire eng.

17 Gomme gona letšatši le lengwe ge thuto ye yeo baena ba e thomilego tikologong, ke eme go tšwa phuluphithing nako ya mafelelo ke bego ke le fa gomme ke le boditše gore nka se be ka tšhemong ge feela seo se be se eya pele. Kafao, baena ka mogau ba otlollotše sela sohle godimo. Sohle se hlakišitšwe. Mo diiring tše masomepedinne, go be go fedile.

18 Bjale seo se bulela tšhemo go nna gape. Ga ke tsebe ke dire eng. Ga ke tsebe ke retologele go tsela efe. Ke kgopetše Morena bakeng sa pono. Ke Mo kgopetše go mpotša ke dire eng. Eupša O no ntlogela ke dule.

19 Bjale, bošegong bja go feta ge ke tlošitše digotlane tšohle, mosadimogatša wa ka le bohle, go tloga ntlong, ke dirile tiišetšo go Morena Modimo. Gomme ke rile go Morena Modimo, “Ge O ka ntšhegofatša mo tseleng yeo ke yago, ke tla Go hlankela. Eupša O swanetše go mpotšha moo ke yago, le ka fao ke yago, le se ke se dirago.” Kafao, ke ikgafile nnamong go Morena. Ka—ka bodiredi le tšohle, ke e gafetše go Morena. Gomme ke rile, “E ka ba kae O bulago, e ka ba eng O e dirago, Ke tla sepelela tseleng yeo. Go fihlela O dira tsela, ke tla no tšwelapele go ya bjalo ka ge ke le go fihlela O dira tsela.” Gomme ke Mo kgopetše go e dira go hlaka kudu go re ke se forwe nako yeo, ka gobane ka therešo ke dumela gore re thwi mo magahlanong a ditsela a se sengwe go direga.

20 Ke e kwele e profetiwa mosong wo fa ke Ngwanešu Neville, goba go e fa moo ke tsebago e bile—e bile seprofeto seo a bego a bolela ka sona. Bjale, kagona, ke le rapeletše lena bohle, gomme ke hloka lena bohle le nthapelele, gore Moya wo Mokgethwa o tla ntlahlela feela tlwa moo ke swanetšego go ya, se ke swanetšego go se dira, gore ke se dire phošo.

21 Le a bona, makga a mantši, batho ba nagana gore mpho ya boprofeta, gore Modimo o no re “Ke tla go kukela godimo *fa*, le go go bea fase *fa*. Bjale o no ya thwi godimo *fa*.” Gomme ga A go botše dilo tšeo tšohle. Ge nkabe A dirile, gona ke tumelo efe ya go fenya o bilego le yona? Le a bona? Le a bona, wena, O go tlogela o eme o nnoši bontši go feta e ka ba mang gape. Le a bona? Lena bohle le ka tla go nna le go kgopela bakeng sa dilo tsoko, gomme ga se nke A ke a šitwa le bjale eupša O le file karabo. Yeo ke nnete. Ya. Eupša ke kgona go Mo kgopela dilo bakeng sa nnamong, gomme makga a mantši O no ntlogela ke nnoši, le a bona, o no ntlogela ka ya pele le go sepelela ka go yona.

22 Ke ne dilo bjale tšeo ke swanetšego go di rarolla nnamong, le diphetho ke swanetšego go di dira. Gomme se ke se bohlokwa kudu, go fihla ke no se kgone go se dira tlwa go fihlela ke le kgonthe gore ke Yena a bolelago le nna. Gomme ke—ke. . . Ga A mphe pono. O no ntlogela ke nnoši. Kafao ke no ba ke dutše boka tšhiwana, boka, mosong wo, ga ke—ke tsebe ke retologele tseleng efe. Kafao, ke e gafetše go Morena.

23 Ke—ke ikwetše boka nako yeo, go loreng yeo, ke swanetše go tla morago fa go tabarenekele le go thuša Ngwanešu Neville go fihlela se sengwe gape se no diragala go bapa tsela. Kafao, ke tla ba mmogo.

24 Ke kgopetše Ngwanešu Neville dinakwana di se kae tša go feta, “Kereke e tšwelapele bjang?”

Gomme o rile, “Gabotse.”

25 Gomme kagona ke kwa gore le sa ne dimpho tša semoya le dilo magareng ga lena, tše di diregago, dimpho tša seprofeto, le—le go bolela ka maleme, le tlhathollo ya maleme, ye re sa tšwago go ekwa dinakwana di se kae tša go feta. Gomme dilo tšela di godiša kereke, gomme gagolo.

26 Eupša ke naganne, mohlomongwe bošegong bjo nka, ge Ngwanešu Neville . . . Ge Moya wo Mokgethwa o sa re hlhalele go se sengwe go fapana, bošegong bjo ke tla rata go ba le . . . Lena bohle, pele le tloga mosong wo, go ngwala potšišo gomme la e bea fa, potšišo tsoko ka monaganong wa gago, gore re ke re hwetše se kereke e se naganago. Yeo ke mabapi le tsela ye badiša ba hwetšago feela se se lego pelong ya batho. Gomme yo mongwe le yo mongwe wa lena ka potšišo, e ngwale gomme o e bee godimo fa. Ge o se na ntsetlana ya lephephe go—go e tliša mosong wo, gona e ngwale bošegong bjo, e sa le nako. Kafao, ke tla rata go no ba le nako ye ntši ka moo ke kgonago, go tšona, go di lebeledišiša le go le araba ka Mangwalo.

27 Gona ge Morena a rata, ge e le thato ya Modimo; ke dirile setatamente fa e se kgale botelele, gore ke tla rata go bolela le lena ka Mahuto a šupa a mafelelo a . . . a Kutollo. Bjale ge rena . . . Ga se ke kgone go fihla tsela yohle go kgabola Mahuto ale ngwageng wo, ka gobane go tšea go tloga go tema ya 6 ya Kutollo, go kgabola—go kgabola tema ya 19, go fetša Mahuto ale. Eupša a pele a mararo goba a mane a ona a ka arabja mo bošegong, ke a nagana, Lehuto le lengwe le le lengwe e le bošego.

28 Bjale, ge re kwešiša, go bona moo re emago thwi go Puku yela ya Kutollo, moo Kereke e tšeešwego godimo ka Letagong, morago ka moka ga yona e amana le Bajuda, e sego le Kereke le gannyane. E amana le setšhaba sa Bajuda. Kagona re swanetše go boela morago tlase, go tloga go Tlhatlogo ya Kereke, gomme ra tšea . . . Re bona fa se se diregago nakong ya Mahuto ale, le nakong ya Kereke ya Bantle. Kereke e sepetše; gomme le setšhaba sa Israele, e boela morago le go tliša Israele go tloga nako ye e ba tlogetšego, go fihla go nako ya sebjalebja; le go tleng ga Mesia, ge ba tla amogela Mesia.

29 Bjale le a e hwetša? Kereke e tšeešwe godimo. Modimo o šogane pele le Kereke, Mabaka a Kereke. Re tšere yeo. Morago Kereke e tšeešwe godimo ka Letagong. Morago Moya wo Mokgethwa o ya morago le go tšea Israele, bjalo ka setšhaba. Le go se tliša fase bokgole bjo, ge Monyanya wa Selalelo

o kгатlampana, gomme morago o Ba tliša morago gape mo bofelong bja nako yeo. Ke tla ba le letlapa le leso la ka godimo, gomme ka kgona go e thala le go e ruta, ge nako e etla. Morago Morena o bowa le Monyalwa, gomme Israele o a mmona. Gomme, oo, a nako yeo e tla bago!

³⁰ Bjale, pele re tla tlemaganya se ka go nepagala, go ne thuto ye kgolo yeo e lego tšhitišo go baithutamodimo le ba bantši, le barutiši go theoga lebaka, le batho ba Church of Christ le bale ba ba tlogo go kwa se, ke gore, Dibeke tše Šupago tša Daniele. Re na le. . . Ga re kgone go ya pejana ka go Kutollo go fihla re tlemaganya Monyalwa le Israele mmogo le Dibeke tše Šupago tša Daniele. Gomme mohlomongwe, ge Modimo a rata, gore ge A ka bolela le nna ka moso, go bolela ka ga Dibeke tše Šupago. . . goba, e sego Dibeke tše Šupago, eupša Mahuto a šupago a mafelelo. Lamorena la go latela, ke tla leka go tšea Dibeke tše Šupago tša Daniele, Lamorena la go latela, Morena ge a rata. Gomme ka gona seo se tla bula mapatlalo gona, ge A ka re hlahla, go thoma go tše dingwe. Gabotse, re tla hwetša go tloga nako yeo go ya pele.

³¹ Ngwanešu Neville le nna re tla be re šoma mmogo go se, le go dira se sengwe le se sengwe re kgonago bakeng sa go holega ga batho.

³² Bjale, go yeng morago go nako ye nngwe le ye nngwe, re rapelela balwetši, ka mehla re thakgalela go dira seo. Gomme ka kgonagalo ke tla e dira kopanong ye nngwe le ye nngwe, ge batho ba babja, go ba rapelela.

³³ Ga ke hlologe go ba le go hlatha go itšego. Le a bona, bjale sese se se diregilego. Ke lekile. Gomme ke a tseba ke dirile dilo tše di fošagetšego; eupša ke lekile go phela kgauswi go lekanela go Modimo, nako yohle, go Modimo, ke ka fao dipono tše di tla diregago, ka fao di tla diregago. Ebile batho ba tla lahlegelwa ke dilo, le go nteletša, go nkgopela go rapela Morena, go kgotela moo e lego. Boka Isai a timeletšwe ke dimoula, gomme bašemane ba ile tlase go hwetša moprofeta, gomme o ba boditše moo dimoula di bego di šetše di boetše gae. Go ya pele boka seo, seo se gabotse go phethagala. Eupša go tšea bontši bja yona kudu, batho ba bantši kudu. . . E sego feela go bolegae boka bjo; ke lefase pharephare, le a bona. Kafao go no fihla, go ntira ke hlakahlakane, gomme gona go go bea maraitsaneng thwi nako yohle, go fihla e fihla go lefelo. . .

³⁴ Gomme seo ke se hlotšego baena go thomiša thuto ye, gore ke be ke le Morena Jesu Kriste a apere nama. Gomme re a tseba gore seo se tla kgeiganya Bodiredi gohle ka diripana, le go tliša kgobogo godimo ga Kriste le se sengwe le se sengwe. Le a bona? Kafao ke ka lebaka leo ke ile ka swanela go ba fa go šikinyega go gogolo, go e emiša gatee thwi, go ba dira ba tsebe gore seo e be e se sa Modimo, seo e be e le sa diabololo. Le a bona? Gomme ba be

ba le batho ba go loka. Gomme go bontšhitše batho bale ba be ba tswetšwe ka Moya wa Modimo, gobane, ge ba bone Therešo ka Lengwalo, ba boetše go Modimo, tlwa, le a bona, ka pelapela. Kafao, seo se bontšhitše e be e le Sathane a leka go dira se sengwe ka batho; bohle ba be ba le ba bomodimo, batho ba Bakriste.

³⁵ Gomme go dirile ba bantši ba bona go re go nna, “Ngwanešu Branham, re ne tšhepo go wena bjale go feta re kile ra ba.”

³⁶ Gobane, le bona eng, ka mpho yeo Modimo a mphilego, ke eng nkabego ke e dirile ka yona? Go lahlela setšhaba mo dinaong tša ka, goba, batho. Se re se bitšago *setšhaba*, ga se “tshepedišo ya lefase” ntle fa, fu—fu furu le go ya go pele. Ke ra Bakriste, modumedi wa kgonthe, yoo ke lebebe la . . . Re bolela ka *setšhaba*, re rera ka “batho ba ba tswetšwego gape,” bao ke ba re bolelago ka bona, setšhaba. E sego feela mang le mang ntle fa, yoo a lego wa ditšhila le maraga ao re phelago ka lefaseng, leo e no ba—leo e no ba lerole la lefase leo le boelago morago. Ke bolela ka Bakriste ba ba tswetšwego gape, batho bao ba lego Bakriste ba kgonthe.

³⁷ Ke letetše monna go tabogela go nna gape mabapi le se sengwe. Yo mongwe o tla go nna e se kgale botelele, gomme o rile, “Ona mogopolo wa Kriste a tshwela mobung, ka mare a Gagwe, gomme a dira dinkgokolwana le go a tlotša godimo ga mahlo a yo mongwe.” O rile, “Go ditšhila bjang, seo se be se le ditšhila, go Yena go tshwela, ka mare a Gagwe go tšwa molomong wa Gagwe! Go bile go se hlweke gakaakang, go tshwela tšhileng, le go dira dinkgokolwana tša leraga le go di bea godimo ga mahlo a motho.”

Ke rile, “Eupša o boile a bona.” Le a bona, yeo ke yona.

³⁸ Gomme monna yola wa go swana! Ba butše kampa ya mapona godimo fale hleng le lefelo la ka, le a tseba, mogobe wa go thunthela. Gomme—gomme monna yola o na le thekethe bakeng sa yo mongwe le yo mongwe wa bana ba gagwe go ya tlase fale le go thunthela ka mogobeng wola. Gomme yena le mosadimogatša wa gagwe ba a ya, le bona, go mogobe wola. Ntshwareleng, dikgaetšedi tša ka. Eupša mola mo bona basadi fale ba thunthelago, e ka ba lekgolo la bona, goba a mabedi, letšatši le lengwe le le lengwe; basadi, ditšhila tšohle tšela le dilo, le basadi lehono, le go hlapa gohle ka meetseng ale, tšhila yela le tšhila ka melomong ya bona, gomme ba e metša le go e tshwela ntle. Ke no nyaka a ntabogele, le a bona.

³⁹ Ba rile, “Ge—ge Kriste nkabe a phela lehono, ba be ba tla ba le Yena a gogelilwe bakeng sa selo sa go se hlweke.”

⁴⁰ Go reng ka *seo*? Ke ne kgonthe le swara seo ke se rago. Ba ya thwi ka mogobeng wola, gomme bontši bja bona ka malwetši, thosola, tšhofela, le se sengwe le se sengwe gape, thwi ka fale. Gomme go no tshwela ka molomo wa bona, le se sengwe le se

sengwe boka seo, le go hlapa gohle ka fale ka mokgwa wola. Gomme seo ke go hlweka, ka nnete?

⁴¹ Kafao, oo, nna, letšatši le re phelago ka go lona, ngwanešu, kgaetšedi! Ke nako bakeng sa go Tla ga Morena! Gomme Kereke ga e na kholofelo e tee, gomme yeo ke go Tla ga Morena.

⁴² Gabotse, nka se kgone go thibela dilo tšela; ga go bohlokwa. Beibele e boleleletšepele di tla ba fa. Ga ke kgone go di thibela. Eupša ke nyaka segalontšu sa ka rekotong ka Legodimong, gore ke be ke le kgahlanong le yona, ge nako e etla bakeng sa Kahlolo. Ke be ke le kgahlanong le yona.

⁴³ Ke sa dumela gore Beibele ye ke Lentšu la Modimo. Gona ga go na se sengwe gape ka lefaseng, kgahlanong le Yona, se ka go kgona go E thibela. Eupša Beibele ye fa, ye ke Therešo, le ke Lentšu la Modimo. Kafao bjale a re nong go goga dikepe tša rena—tša rena—tša rena, gomme re kgwaparetseng nakwana go itshama ka lebopo la go khutša la Botšhabelo bja Khutšo. Gomme—gomme re ka kgona go sesa go tloga gosasa felotsoko, eupša a re kgwaparetsang bjale gomme re theetše Segalontšu sa Tatawešo wa Legodimong ge A tla bolela le rena ka Lentšu la Gagwe, re a tshepa, le hono.

⁴⁴ Gomme bošegong bjo, bjale, le lokiša potšišo e ka ba efe ye nnyane le nago ka ga yona. Bjale, e sego se sengwe seo se yago go gobatša yo mongwe. Ge o dira seo, gona seo ke. . . Nka se arabe yeo, le go thoma, le a bona. Eupša lena, sengwe se sengwe, o re, “Gabotse, bjale, ge ke dira selo se *rilego*, a Modimo o bolela gore re dire se?” Goba, le a tseba, dipotšišo tše dinnyane pelong ya gago. Goba, “Re ne dimpho di kitima le rena, Ngwanešu Branham, gomme a re swanetše go di šomiša ka tsela *ye* goba ka tsela *yela*? Goba, re swanetše go dira eng?” Se sengwe seo nka kgonago go go araba morago Lengwalong, le a bona. Ngwala se sengwe se sennyane. Ke tla thakgala. Gomme ge e se gona, gona ke tla no tšea thuto ya mohuta o rilego, le go le rerela bošegong bjo, Morena ge a rata. Le ke Lamorena, gomme ke be ke. . .

⁴⁵ Lamorena la go feta ke thomile go ya godimo ga Ngwanešu Cauble. Gomme ke kwele pele ye ya kereke e gwedinya, gomme ke nno sepela godimo le tlase ka jarateng. Ga ka kgona go e kgotlelela. Seo e bile sohle. Ke le kwele, kafao ke—ke—ke no swanela go tla tlase.

⁴⁶ Kafao bjale a re no inamišang dihlogo tša rena bjale le go bolela le Mmopi wa rena, gomme gona ka lentšu la thapelo. A go ne yo a nago le kgopelo ya go ikgetha? Nno phagamišetša diatla tša gago godimo, nno re, “Nna. . .” Nno e dira e tsebje. Modimo o tseba se se lego pelong ya gago. Bjale nno boloka kgopelo ya gago mogopolong wa gago.

⁴⁷ Modimo yo Mokgethwa kudu, Yo a hlotšego Magodimo le lefase ka Lentšu la molomo wa Gago, ka dikgopolo tša monagano wa Gago. Re tla ka Bogoneng bja Gago, ka Jesu Kriste, Morena

wa rena, go Go fa tebogo bakeng sa tšohle O re diretšego tšona. Gomme re Go leboga kudu, Morena, mosong wo, go tseba moo re emego, go tseba leemo leo re lego ka go lona mosong wo, le histori ya nako, le bokamoso bjoo bo tlogo. Go tsebeng lehono, gore ka mogau wa Modimo, gore re hlatswitšwe Mading a Khalibari, gore re lokišitše, ka tumelo dipelong tša rena, go kopana le Yena ge A ka tla lehono. Re tla re, “Le bjale, tla, Morena Jesu.”

48 Gomme re bona sebe se pakelana godimo, go fihlela go bonala eke lefase le thekesela ka tlase ga boima bja sebe. Ka fao gore go nwa le go kempola, le botagwa, le mapona, le, O Modimo, tšhila, le tšhila le leraga la batho. Le ka fao bona, ge ba no lemoga, Morena! Afa batho bale, ba ba aparago ka mokgwa wola ka go diaparo tšela tše dinnyane tša kgale tša go hloka modimo, gomme ba tšwela ntle fale mo mokgotheng, a ba a lemoga gore ga se bona selo eupša dikhunkhwane le lerole, gore mohlomongwe mo bekeng ye nngwe dikhunkhwane di tla be di eja mmele wola woo ba o tagafatšago bjalo? Afa ba a lemoga gore diboko di tla o ja, gomme soulo ya bona e tla ba mošola ka go Bokagosafelego ntle le Modimo, ntle le Kriste, ntle le kholofelo, ba nwelela go teba ka go itlhoboga, go no senywamoka gabonolo go Tleng ga Gagwe? O Modimo, re fe digalontšu tša—tša tshebotšo, gore re ke re sebotše soulo ye nngwe le ye nngwe ka ga kotsi yeo e batamelago.

49 Eba le rena lehono. Re fe “mantšu a bohlale,” bjalo ka ge Salomo a kile a bolela ka go Mmoledi, gore re tla ba “baagi ba bohlale,” gore re tla ba “badiši ba mokgobokano wo.” Gomme re a rapela, Morena, gore ge re nyaka mantšu go a bolela, gore a tla ba—a tla ba setšweletšwahlwahlwa seo se tla tanyago pelo yeo e hloka go kudu fa mosong wo.

50 Ga se re tle le go kgobokana ka tlase ga tlhaka ye ya go fiša lehono, feela go bonwa, eupša re tlile fa gobane re a Go rata, le gobane re hlogetše go kwa go tšwa go Wena. Wena o Moratiwa wa rena yoo re mo ratago, gomme re hlologela go kwa Mantšu go tšwa go Wena. Re thabetše se re šetšego re se kwele. Se tla dula botelele le rena. Bjale re fe karolo yeo O re beetšego lehono, ge re letile pejana go Wena. Re e kgopela Leineng la Jesu, le bakeng sa Gagwe. Amene.

51 Bjale ke...[Kgaetšedi o bolela ka leleme le lengwe. Ngwanešu o fa tlhathollo—Mor.]

52 Re thabile bakeng sa dikgothatšo tše go tšwa go Moya, di a re botša le go re sebotša go šetša Mantšu ao mohlomongwe Moya wo Mokgethwa o yago go a bolela go rena lehono. Gomme ga re tsebe feela se A re boloketšego, eupša re a tseba gore go swanetše go ba se sengwe seo A yago go se tliša pele. Mohlomongwe potšišo e monaganong wa gago, yeo A tla e bolelago ka yona fale. A ka e bolela ka Molaetša mosong wo. A ka e bolela bošegong bjo mo

tirelong. Yena, felotsoko go bapa lehono, O leka go, go bonala eke, go sebotša yo mongwe go swara Mantšu.

53 Bjale phuthullang go Lentšu le le ngwadilwego, a re yeng godimo go Puku ya Ekisodo, bakeng sa thuto ya Sekolo sa Lamorena.

54 A le ne tirelo ya kolobetšo? [Ngwanešu Neville o re, “Aowa, e sego go fihla ka iri ya boselela mantšiboeng a.”—Mor.] Aowa. Tirelo ya kolobetšo ka ya boselela morago ga sekgalela se.

55 A re yeng go tema ya 17 ya Ekisodo, gomme go thoma ka—ka temana ya 5, ke a dumela, ditemana tša 5 le 6 tša tema ya 17 ya Ekisodo.

Gomme MORENA o rile go Moshe, Eya pele ga batho, gomme o sepele le wena bagolo ba Israele; le lepara la gago, ka lona o iteilego meetse a noka, le tšee ka seatleng sa gago, gomme o sepele.

Bona, Ke tla ema pele ga gago . . . godimo ga leswika ka Horebe; gomme . . . wa otlala leswika, gomme go tla tšwa meetse go tšwa go lona, gore batho ba ke ba nwe. Gomme Moshe o dirile bjalo pele ga bagolo ba Israele.

56 Bjale ge eba ke swanetše go bitša se sehlogo se sennyane sa Sekolo sa Lamorena, Ke tla rata go tšea se bjalo ka thuto bakeng sa thuto ya mosong wo, *Meetse A Ka Mehla Go Tšwa Leswikeng*.

57 Re a tseba gore Israele ka mehla e bile mohlala wa histori wa kereke. Gobane, Israele e be e le batho ba Modimo go fihlela ba etšwa Egepete, gomme kagona ba ba le kereke ya Modimo gobane ba be ba arogantšwe go tloga go lefase ka moka.

58 Gomme ge re arogantšwe go tloga go lefase ka moka, gona re ba kereke. Eupša ge feela re sa tlemagane le lefase ka moka, gona ga re ka kerekeng. Bjale ke a tshepa gore seo se ya go teba ka kgonthe, se swara lefelo la sona. Le a bona, ga se rena kereke go fihlela re arogantšwe go tloga go lefase. Go ikaroganyana renabeng, go tšwa makgatheng ga batho ba go se hlweke, go se dirišane le bona, le go se be batšekarolo ba dibe tša bona. Le se rwale joko e tee le basedumele, eupša ikaroganyeng lenabeng go tloga go dilo tša lefase.

59 Gomme ge Israele e be e le ka Egepete, ba be ba le batho ba Modimo. Morago ge ba bileditšwe ntle, goba ba bile le khudugo, go tšwela ntle, gona ba beditšwe kereke, gobane e bile nako yeo ba ikarogantšego bonabeng go tloga go lefase ka moka.

60 Gomme lona lentšu *kereke* le ra “babilitšwantle.” *Ekisodo*, “tšwelantle.” Yo mongwe le yo mongwe wa rena, bjalo ka Bakriste, o bile le khudugo bophelong bja rena. Re bile le nako moo re bileditšwego ntle go tloga makgatheng ga badirišane ba rena, ra biletšwa ntle go tloga makgatheng ga batho bao re kilego ra kopanela le bona, gomme ra ba batho ba go fapana, go sepela

le batho ba go fapana bao ba itshwereco ka tsela ya go fapana. E bile khudugo bophelong bja rena.

⁶¹ Israele e re file wona mohlala wo mokaone, wa ge Modimo a ba biletša ntle. Ba bile le khudugo, gomme ba tšwetše ntle go tloga makgatheng ga ba—ba batho ba lefase, gomme ba ba setšhaba se se aroganyeditšwego, go Modimo, batho ba moswananoši. Ba sepetše ka tlase ga merithi ya setulo sa kgaogelo. Ba phetše le go sepela ka Pilara ya Mollo ye kgolo. Gomme Modimo o ba tlišitše go tšwa Egepeta, go ya nageng yeo A e tshepišitšego.

⁶² Gomme, ka go khudugo ye, ba filwe moetapele wa semoya, moetapele, yo a bego a le Moshe, moprofeta yo mogolo a tloditšwego yo a bego a le mo—mo monna yo mogolo. O be a le monna wa bomodimo, o be a tswetšwe monna wa bomodimo. Modimo o mmitšhe go tloga go mmagwe, ebile pele ga nako yeo; Modimo o mmeile pele ga motheo wa lefase, go ba moetapele go moloko, go tliša khudugo ye go batho.

⁶³ Fa nako ye nngwe ya go feta, ke boletše le bana ba bannyane fa ka tabarenekeleng, gomme ke bile le thero ye nnyane go bona; gomme ke ba boditše, goba ke ba fa seswantšho se sennyane sa ka fao Jogobete, ka fao a rapetšego, yena le Amorammo, tatago Moshe, mabapi le go dira se sengwe ka ga go phološa batho. Gomme Amorammo o bone pono ya Modimo a eme, goba Morongwa a šupile go leba leboa, gomme o mmoditše se se tlogo direga. Gomme Moshe yo monnyane o belegwe. Gomme ga se ba boifa ditaello tša kgoši, goba ditšhošetšo. Ba tsebile gore Modimo o bile le seatla sa Gagwe go Moshe, gomme seo se e rumile. Yeo ke nnete. Ga go kgathale se kgoši a se boletšego, se lefase la dipolitiki le se boletšego, se e ka ba eng gape e se boletšego, ba tsebile Modimo o bile le seatla sa Gagwe go Moshe. Kafao ba be ba se ba tšhoga go mo lokolla, thwi magareng ga dikwena; ge di be tšohle di no nona ka bana ba bannyane ba Bahebere, moo ba fepilego dikwena fale ka bona. Gomme efela Moshe o beilwe thwi ka arekeng ye nnyane gomme a romelwa thwi ntle magareng ga dikwena, thwi ntle magareng ga tšona. Gobane, ga se ba boife selo, ba tsebile gore Modimo o bile le seatla sa Gagwe go Moshe.

⁶⁴ Gabotse, bjale, ge re ka no tseba selo sela sa go swana, gore Moetapele wa rena yo mogolo, Moya wo Mokgethwa, Modimo o Mo rometše. Gomme ke Yena Moetapele wa rena. Gomme ga go kgathale se lefase le se bolelago, le ke bontši gakaakang ba le segago le go dira metlae ka lena, re latela Moetapele wa rena! Modimo o rometše Moya wo Mokgethwa go ba Moetapele wa rena. Le a bona? “Sebakanyana gomme lefase ga le sa Mpona gape. Efela lena le tla Mpona, gobane Ke tla ba le lena, ebile le ka go lena, go fihla bofelong bja lefase.” Kafao, Moetapele wa rena o ne rena, Moya wo Mokgethwa. Bjale re swanetše go latela Moetapele yo le go dira feela bjalo ka ge A re re dire. Gomme

Moetapele yo a ka se tsoge a re ntšha tseleng, O tla re boloka thwi tseleng ya Lengwalo nako yohle. Eupša A ka se tsoge a ya go lehlakore *le letee* bakeng sa se sengwe, gomme go lehlakore *le* bakeng sa se sengwe. O tla dula thwi ka go otlologa ka mmileng wa Mangwalo.

⁶⁵ Gomme Moshe o bile le tsela yeo a bego a swanetše go tšea Israele, le go latela nako yeo thwi go putla Lewatle le Lehubedu, thwi go putla Jorodane, thwi ka go naga ya tshepišo, thwi ntle go kgabola lešoka. E be e se Moshe a tšwile mothalong. E be e se Modimo a tšwile mothalong. E be e le batho ba tšwilego mothalong, bao ba hlotšego bothata. Kafao, a re naganeng ka dilo tše bjale. (Ntshwareleng.)

⁶⁶ Moshe, bjalo ka moetapele yo a tloiditšwego. Mafelelong, ge a bontšhitše go batho, ka maswao le matete, gore Modimo a nnoši o kgonne go dira, o dirile maswao a le matete pele ga bagolo ba Israele, le pele ga Israele, go fihlela ba be ba kgotsofetše gore Moshe yo o be a le motlotšwa yoo a bego a swanetše go ba ntšhetša ntle ga naga ye, go ya go naga yela ye botse yeo ba e tshepišitšwego. Kagona ge ba bone dilo tše kgolo tše tšeo Moshe a di dirilego leineng la Modimo, ba be ba rata go mo latela. Gomme o ba ntšheditše ntle, a ba etapele go kgabola Lewatle le Lehubedu, a tshelela mošola, e be e le nageng ye e omilego, le ka leetong la lešokeng, le rago nako ya diteko.

⁶⁷ Ge moisa a amogela Kriste bjalo ka Mophološi wa gagwe, se sengwe le se sengwe se ntlhoreng ya ngwako. Eupša, pele monna yo a ka tla ka go kolobetšo ya Moya wo Mokgethwa; motho yo, o swanetše pele a be le tirotšwelelo ya go hlekišwa. O swanetše a be le nako ya go lekwa bophelong bja gagwe. Bohle ba lena le bile le yona. O bile le nako ye ya go lekwa. “Morwa yo mongwe le yo mongwe yoo a tlogo go Modimo, sa pele o a gadikwa, o a solwa, o a solwa. Gomme ge re sa kgone go emela tsholo, gona go a bontšha ga re bana ba Modimo; re dihlabana, gomme e sego bana ba Modimo,” Beibele e boletše. Eupša ge re kgona go emela tsholo, go tsebeng gore “dilo tšohle di dira mmogo bakeng sa go loka go bona ba ba ratago Modimo,” gona re barwa le barwedi ba Modimo, gona o re tswalelela ka Moya wo Mokgethwa go fihlela letšatši la topollo ya rena. Le a bona, yeo ke tsholo, ngangego, selo se se se kgabolago.

Gomme Israele, bjalo ka sekai sa histori, e be e swanetše go tšea tsholo ye.

⁶⁸ Bjale, ge ba be ba le tlase ka Egepete, gomme Modimo o rometše Moshe. Gomme o otlolletše lepara pele, gomme matsetse le dinta di tšwile mobung. O otlolletše pele go leba letšatšing, gomme le ile fase. O le otlolletše godimo ga meetse, gomme a fetogile madi. Gobaneng, Israele e be e le godimo ka go ya Kanana . . . godimo ka—ka Gosene, ba no ba le nako ya letago;

letšatši ga se nke le sobele, dikotlo ga se nke tša ba ratha; gobaneng, ba be ba no ba le nako ya letago!

⁶⁹ Fela boka o dirile ge la mathomo o phološwa. Se sengwe le se sengwe, dinonyana di opetše go fapana, gomme yo mongwe le yo mongwe a le bose. Gomme, oo, nna, ka fao se sengwe le se sengwe se bego se no ba makgethe ge la mathomo o phološwa! Morago go tlile nako ya go lekwa, tsholo, nako ya tlhwekišo, go itlhwekiša wenamong go tloga go dilo tša lefase, “go beela thoko boima bjoo bo re welago gabonolo.” Wena, monna, wa swanelwa go emiša go kgoga ga gago, go emiša go nwa ga gago, go emiša go ya kamoreng ya mogobe, diphathing tša gago tša bošego ka moka tša karata. Dilo tšela tšohle, o be o swanetše go itlhwekiša wenamong go tloga go tšona, ka tumelo mo Mading a Jesu Kriste. Itlhwekiše wenamong! Lena basadi la swanelwa go lesa moriri wa lena go golela ntle, la telefatša diroko tša lena, la itshwara boka go fapana go feta se le bego le le sona. Nako ya tlhwekišo! Makga a mantši ba tla gwaba le go boela morago; gabotse, yoo ga se ngwana wa Modimo, le a bona. Ngwana wa Modimo o lebelela Khalibari ka go otlologa, le go tseba gore go mo loketše.

⁷⁰ Kafao gona tirotšweletšo yela ya nako, fao ke moo go wa go gogolo go tlogo, ka go Israele. Ge nako ye ye kgolo ya go pitlagana, nako yeo batho ba thoma go wa, go tloga lehlakoreng le letee go ya go le lengwe. Gona dipolelong tša bona, “Gabotse, re duma nkabe re le morago tlase ka Egepete. Disoulo tša rena di hloile borotho bjo bjo bohwefo.” Ka mantšu a mangwe, ge ke swanetše go e tšea ka histori bjale, seo ke se ba se boletšego.

⁷¹ Bjale mo letšatšing la sebjalebja, go tla ba, “Oo, Laboraro le lengwe le le lengwe bošego, kopano ya thapelo! Lamorena le lengwe le le lengwe mosong, morago kerekeng! Re kwa eng? Selo sa go swana; moreri o a emelela le go rera; dipina; ra boela morago.” Le a bona, gona o no be o eya bjalo ka ge e le mošomo. Ga se wena morapedi. Morapedi o ya fale go rapela, go itlhagiša yenamong pele ga Modimo wa gagwe, go tumiša Modimo bakeng sa go loka ga Gagwe; go Lentšu le lengwe le le lengwe, o lekelela go Lona.

⁷² Feela boka taba ya lerato. Ge o be o sepela le mosetsana gobane o tsebile e be e le mošomo, goba o sepela le mošemane, ge o be o le yo moswa. “Mama o nyaka ke sepele le mothaka yo, eupša ke no se mo kgotlelele.” Ga o hwetše selo go yena go tla go go bona. Goba, ge e le tsela ya go swana ka ga mosetsana go mošemane, goba mošemane go mosetsana. O sepela le yena, o a go pora; mama o nyaka o sepele le yena gobane ke mohuta wa mosetsana yoo mama a mo ratago. Le a bona, go a go pora; ga go na taba ya lerato. Eupša ga o kgathale, ga o nyake go hlwekiša, ga o nyake go ya go mmona. Gomme ke . . . Gobaneng, ke selo sa go šiiša. Gomme ge a etla go go bona, nna, o no duma a ka itlhaganela, wa ya gae.

73 Ke tsela ya go swana ge o, “Gobaneng a rera botelele bjalo? Go reng ka selo se sohle se, le se sengwe le se sengwe?” Le a bona, ga o tabeng ya lerato.

74 Eupša ge ka kgonthe o swarelela go Lentšu le lengwe le le lengwe, bjalo ka ge Moya o le file tshebotšo mosong wo, le a bona, “Go swarelela go Lentšu le lengwe le le lengwe.” Seo se ka ba se A bego a bolela le lena ka ga sona. Go swarelela! Ke Bophelo bjo Bosafelego, Lentšu le lengwe le le lengwe la Modimo. Ke thabo go tla kerekeng, ka tlase ga seemo e ka ba sefe. Ge eba go a fiša, go a tonya, go se kgahlege, ge eba batho ba a baka, ba a ngunanguna, e ka ba eng ba e dirago, e sa le thabo go kwa Lentšu la Morena. Gona o nako yeo o ratana le Kriste, o a bona, o rata go ya kerekeng.

75 “Gabotse, hani, šo mosong wola Lamorena gape, ke a thanka re swanetše go hlapiša ba bannyane le go ya tlase fale. Nna, go a pora!” Le a bona, ga o ratane.

76 Eupša ge ka kgonthe o le leratong, o no se kgone go leta go fihla mosong wa Lamorena o etla, o no swanela go fihla tlase fale le bona. Gomme re hwetša, le go tloga . . . Batho ba Modimo, ga ba go pore. Gobaneng, ke bona—ke bona banešu le dikgaetšedi. Bjalo ka ge ke fela ke re, “Le kotofala bjalo ka todi ya Sokamo mo mosong wa go tonya.” Ga—ga e tologe, e no dula mmogo, le a tseba, e a tlimarelana. Bjale, yeo ke tlhagišo ya go befa, eupša ke—ke—ke go leka go le dira le tsebe se ke se rago, le a bona. Le gomarelana mmogo. Gomme ge e tonya, e gomarelana swine. Gomme ke tsela yeo go swanetšego go ba ka rena. Go tonya . . .

Ge bagwera ba lefase ba tlogetše,
Go le bjalo bontši kgauswi le Yena ke a
gomarela.

77 Gomme se re se ratago, rena seng, ga se ka gobane gore re yo mongwe; eupša ke Kriste ka go rena seng, yoo re mo ratago, le a bona. Ke Modimo yo a lego ka go rena, yoo re mo ratago. Bjale re rata go tla mmogo. Re be re fela re opela sefela sa kgale:

Go šegofala go be setlemi sela sa go tlemaganya
Dipelo tša rena ka lerato la Bokriste;
Kopanelo ya monagano wa leloko
E swana le yela ya Godimo.

Le a bona, kopanelo ya monagano wa leloko e swana le yela ya Godimo.

Pele ga terone ya Tate wa rena,
Re tšhollela dithapelo tša rena tša go fišega;
Dipoifo tša rena, dikholofelo tša rena,
maikemišetšo a rena ke a tee,
Dikhomotšo tša rena le matshwenyego a rena.

78 Le a bona? Ee, mohlomphegi! Ge yo motee a bile le tšhegofatšo, bohle re thabile ka yona. Ge yo motee a nyamile,

re nyamile le yena. Rena, re nyaka go ba mmogo bohle. Bjale yeo ke tsela ye re swanetšego go ba.

⁷⁹ Gomme ke tsela yeo Israele e bego e swanetše go ba. Eupša e bile morwalo, “Oo, borotho bjo bja kgale bjo bohwefo bjo, borotho bja Barongwa! Gabotse, re tshwenyegelang ka borotho bjo bja kgalo bjo bohwefo bjo? Disoulo tša rena di hloile selo se! Gomme se sengwe le se sengwe se fošagetše. Gomme—gomme mana a a kgale a rothago bošego bjo bongwe le bjo bongwe, gobaneng, bokaone re hwetše kaliki tsoko le liki go tša Egepeta.” Le a bona, dipelo tša bona di be di se tša ba komana bakeng sa leeto.

⁸⁰ Gomme ge monna goba mosadi a thoma go ipelaetša mabapi le go ya kerekeng, ba lapa kudu go yeng kerekeng, ga ba komana bakeng sa leeto. Yeo ke nnete. Go ne se sengwe sa pošo felotsoko.

⁸¹ Oo, ge o rata Modimo, le go nagana go ya Legodimong, le bohle ba lena le eya mmogo!

A kopanelo, a thabo kgethwa,
Go itshama godimo ga Letsogo la neng le neng;
Oo, a khutšo ya go šegofala le Morena kgauswi
bjalo,
Go itshama godimo ga Letsogo la neng le neng
la Gagwe.

A . . . Re opela difela tšela.

Re abelana mahloko a rena,
Re rwadišana merwalo ya rena;
Gomme gantši bakeng sa rena beng go a elela
Keledi ya kwelobohloko.

Ge re arogana,
E re fa bohloko bja ka gare;
Eupša re sa no ba re tlemagane ka pelong,
Le go holofela go kopana gape nakong
ya kopano ya thapelo ya go latela. (Ee,
mohlomphegi, re sa tlemagane ka pelong!)

⁸² Bjale o ba komana bakeng sa leeto, le a bona, o ba komana bakeng sa go tsena ka Nageng ya tshepišo. Dinako tša go lekwa, šeleo lefelo la kotsi; lešokeng, dinako tša go lekwa.

⁸³ Israele, mo nakong ya yona ya go lekwa, o fihlile go ngangišana le go bakišana seng, le go hloya borotho. Gomme ba nyakile go boela morago Egepeta.

⁸⁴ Gomme kagona ba thoma go ipelaetša ka ga moetapele wa bona. Oo, ba be ba boifa o ba hlahlela go šele; ka morago ga ge a ipontšhitše yenamong go ba moetapele, gomme Modimo a netefaditše gore o be a le moetapele. “Gabotse, mohlomongwe re dirile bohanya gannyane nthatana. Gomme—gomme mohlomongwe re arogile, gohle go leoto la pošo,” goba,

se sengwe boka seo, le a bona, ba be ba ngunanguna kgahlanong le Modimo le kgahlanong le Moshe, Modimo le moetapele wa Gagwe.

⁸⁵ Bjale ge re fihla lefelong, re re, “Ga ke tsebe ge eba Lentšu le ra *Se*, goba aowa,” gomme, “ga ke tsebe ka ga Moya wo Mokgethwa; ke tsagatsaga ka Woo gannyane nthatana. Ke a tseba ba bangwe ga ba dire.” Gabotse, eya pele Egepete. Le a bona?

⁸⁶ Eupša ge ka kgonthe o ikemišeditše go dula mmileng, go dula thwi le Moetapele yo, Moya wo Mokgethwa, dula thwi le Lentšu. Gomme ge o dula le Moya, O tla go boloka Lentšung. Yeo ke nnete. O tla go iša thwi tlase go bapa mothalo, tseleng ya Lentšu. Gomme o se O boife. O ka se gobatše selo, O tla no go thuša ge o gobetše. O tla fodiša dikgobalo tšohle, Moya wo Mokgethwa o tla dira.

⁸⁷ Bjale re hwetša gore, go bapa mmileng wo, morago ga ge fihlele ka mokgwa wo, ba fihlile go lefelo la Horebe. Gomme H-o-r-e-b-e, Horebe, gona re hwetša. . . A re ripaganyeng yeo fase. Ke moo le—le leina *Horebe* le ra “lefelo la go oma” goba “leganata.”

⁸⁸ Gomme ge re etšwa kopanelong le rena seng ka kerekeng, le go tšwa kopanelong le Moya wo Mokgethwa, go re tliša lefelong la go oma, leganateng, ga go se se phelago, se sengwe le se sengwe se na le sa go hlaba go sona. Le a bona, le—le leganata, karolo ye nnyane ya kgopha ka sa go hlaba sela go yona. A le be le tseba se sela se lego? Lela ke lehlare le lennyane le bohlokwa le lenanana leo le se nago meetse, le no itataganya lonamong go bofagana go fihla le le sa go hlaba. Gomme ge o bona yo mongwe ka mokgwa woo, mohlomongwe ke soulo ye bohlokwa yeo nkabego e nošeditšwe gabotse, e ka be e bile lehlare le lennyane le lenanana goba se sengwe. Eupša sebakeng sa seo, le itatagantše lonamong go fihlela e le sa go hlaba, feela go phohliša se sengwe le se sengwe, le a tseba, go hwetša bošaedi. Selo se nnoši le se hlokago ke meetse. Yeo ke phetho. Feela lona le hloka feela tso—tso tsošetšo, goba go phulega, go lapološa go tšwa go Morena. Le tla—le tla tatolla bolona bjo bonnyane bja lona, ge o ka no le bea meetseng.

⁸⁹ Eupša, ke moo ba ba phelago ka lefelong leo ba swanetše go tlaišega ka diemo tša lefelo leo. Gomme bao ba hlologelago go phela ka go mohuta woo wa boemo, bja fao se sengwe le se sengwe se no go phohliša le go nganga, le go baka le go jana ka mokgwa wola, gabotse, o tla no phela ka tlase ga boemo bjo, ke phetho. Eupša ga ra swanela go phela fao, ga go bohlokwa go rena go dula fao.

⁹⁰ Bjale, Horebe ye e be e le lefelo moo Modimo a bego a ngennwe ke batho, ka gobane ba be ba tlarumetše ka go lefelo le gomme ba tlile ka go seemo se. Gomme O ba tlišitše thwi

go e dikologa, gobane ga se ba sepela tseleng. Ba arogile mm—mm mmileng wo mogolo, ba arogela lehlakoreng le la mmila. Gomme go dirile Modimo go dira se sengwe seo se bego se boifiša. O . . . Go dirile Modimo go ba le Moshe go tšea lepara la kahlolo leo a ahlotšego setšhaba ka lona, gomme a betha Leswika, go tliša meetse.

⁹¹ Bjale, go ne thuto ye botse fa ge re ka no e hwetša, le a bona. Gomme gobane gore re a fapoga, le lefase le tlemilwe, le dilo, go dirile Modimo go tšea dikotlo tša lefase gomme a itia Morwa wa Gagwe Mong ka tšona, kua Khalibari, gore re ke re lokologe. A le bona se ke se rago?

⁹² Bjale, gore a tliše batho ba go meetse a rilego, ka morago ga ge ba fihlile fale, lefelo le la go oma le dirilwe Khalibari. Gomme fale Modimo o boditše Moshe, O rile, “Tšea lepara le bagolo, gomme le ye pele, gomme Ke tla ema godimo ga Leswika pele ga lena.” Gomme Leswika le e be e le Kriste. Gomme Moshe, ka lepara leo a ilego a tliša kotlo godimo ga setšhaba sa Israele, o tšere lepara le la go swana gomme o bethile dikotlo tša Modimo godimo ga Leswika. Le a bona? O tšeetše dibe tša batho godimo ga lepara le. Leo, o be a swanetše go be a bethile batho. Sebakeng sa go betha batho, o bethile Leswika. Gomme Leswika, ka mošomo wa Modimo, le tlišitše phološo, le tlišitše meetse go batho ba ba senyegago. Le tlišitše bophelo go batho ba ba hwago. Gomme seo ke se Modimo a se dirilego ka go tšea sedirišwa sa Gagwe—sa Gagwe sa lepara la kahlolo, gomme a tatetša dibe tša ka le tša gago go dikologa lepara le; mola le be le swanetše go re betha, eupša le bethile Kriste; gore go tšwa go Yena go tšwe *meetse*, a rago “Moya,” Moya wo Mokgethwa o tlile go tšwa go Yena, go re fa Bophelo. Bjale re ne Bophelo bjo Bosafelego. Bjale, Leswika lela e be e le Kriste. Bjale re nyaka go hlokomela.

⁹³ Ke bona dithalwa tše bohlale tše dintši kudu tša Leswika le. Ke bona se sengwe sa tša go swaswalatša kudu, e se kgale kudu, go fihla moo go be go le le—le leswika le lennyane le letše godimo ka godimo ga thaba. Gomme—gomme Moshe o be a swanetše go be a bethile leswika le, gomme Israele e be e le tlase ka fale ka komiki ya teye, ba hwetša seno go tšwa go mafafatsana a mannyane ao a welego go tšwa go leswika le. Bjale woo ke monagano wa yo mongwe.

⁹⁴ Eupša ge Leswika le le tlišitše meetse a Lona, go be go le batho ba ka godimo ga dimilione tše pedi, ntle le dipholo, dikamela, le se sengwe le se sengwe seo se nwelego ka difaking tša meetse go tšwa Lona. E be e le moela wa go tsoroma woo o tšwilego fale!

⁹⁵ Yeo ke tsela ye re lekago go dira Kriste, Moya wo Mokgethwa lehono. “E no ba mafafatsana a mannyane.” Le a bona, feela go lekanela go go dira go dumela gore go na le Modimo. Aowa.

96 Ke boati bja Meetse! Dafida o rile, “Senwelo sa ka se tletše go falala!” E no ba go tsoroma ga Moya wo Mokgethwa.

97 Batho ba a O boifa. Batho ba bangwe ba re, “Gabotse, ke no ba ke boifa gannyane ke tla dira se goba seo, goba ge nka direga go ya go teba gannyane kudu. Nka go laetša yo mongwe a ilego kgole gannyane kudu.” Eupša ga nke o šupa yola a sego a ya bokgole go lekanela. Le a bona? Ee, go reng ka bale bao ba sa yago bokgole go lekanela?

98 Bjale, re bile le ba bangwe ba batho bao ba ilego ka nameng, gomme ba arogela go leeto la phošo. Gomme—gomme e sego Modimo, eupša batho ba ile . . . Ka gobane e se ka boetapele bjo bobotse, le go ya pele, go ba arošeditše go leeto la phošo, gomme ba ile ka go bohanya. Gomme morago lefase ka moka, diabolo o a ba šupetša, “Le bona seo! Le bona seo!”

99 Gabotse, anke ke eme mosong wo gomme ke šupetše morago go masome a a dimilione go feta bontši bjoo ba sa nkago ebile ba dira go thoma. Go reng ka bona? Le a bona, lebelelang seemo sa bona. Lebelelang mothaka boka Eichmann lehono, ka tša godimodimo . . . Ba re, “Mapentecostal ga ba na boitshwaro le go se hlamatsege, gomme ga ba rutega,” le go ya pele ka mokgwa woo. Lebelelang Eichmann, yo mongwe wa banna ba go rutega kudu ka lefaseng. Gomme o bolaile, bana le basadi le banna ba dimilione tše tshela, disoulo tše dimilione tše tshela. Ga le nyake go šupa go yo mongwe boka yola.

100 Eupša moisa tsoko yo monnyane yo a sa kgonego go bala, le gannyane, a biditše mohlomongwe lentšu la Beibele ka phošo, gomme, goba mohlomongwe a boletše se sengwe goba a dirile se sengwe ka phošo, goba a dirile bošaedi tsoko, dikuranta di nyaka go se ngwala mogohle, le go re, “Ga ba swanela go tshepša.”

101 Gona ge seo se ka se tshepše, gobaneng thuto, dilo le bahlale bao ba nago le bona lehono? Lebelelang Adolf Hitler. Lebelelang mabjoko a lefase lehono. Ba lebelelang. Polelo ya kgale, “Se se loketšego lepidibiditshadi se loketše lepidibiditona.”

102 Selo se le swanetšego go se dira ke go kgona, ka Moya wo Mokgethwa, go aroganya se se lokilego le se se fošagetšego, le go tšea se se lokilego le se se fošagetšego.

103 Bjale, re hwetša gore Khalibari ye yeo ba bilego le yona, gomme meetse a bophelo a tsoromile bakeng sa batho.

104 Bjale, batho ba bangwe ba ne godimo ga dipelo tša bona le monagano, gore Israele yohle e nwele, gomme ba panne dikamela le go bofelela merwalo dipereng tša bona, le go ya pele, gomme ba tšere digotlane tša bona le go tšea leeto go yeng felotsoko gape, gomme ba tlogetše Leswika fale, le fafatša. Yeo ke phošo.

105 Leswika lela le ba šetše morago, gomme meetse ale a ba šetše morago. Bjale Bakorinthe ba Pele, tema ya 10, ke a dumela, gomme temana ya 11, le ka e hwetša, gore “Leswika lela le šetše

Israele morago.” Mogohle ba ilego go tloga letšatšing lela go ya pele, Leswika le sepetše le bona, gomme meetse a ba šetše morago.

¹⁰⁶ A sekai se sekaone, le bo—bo boswaro bjo bobotse le sekgwaparetši bakeng sa modumedi lehono, yoo a tsebago gore Leswika lela le le kilego la bethwa, Meetse ale a kilego a tšhologa go tšwa Khalibari, a sepela le rena mogohle re lego. Oo, nna! Ga se go ya morago go lefelo tsoko, le go re, “Gabotse, re bile le Meetse letšatši pele ga maabane, godimo fale.” Re ne Meetse lehono, thwi fa, gobane Leswika lela e be e le Kriste! Gomme Kriste o a swana maabane, lehono, le go ya go ile.

¹⁰⁷ Le a bona, Leswika lela le šetše Israele morago. Ga sa nke ba šala Leswika morago, eupša Leswika le ba šetše morago. Amene. Israele e ile pele leetong la bona. Ba bile eupša le selo se setee go se dira, seo ke, go boloka tsela ya go otloga, thwi go otloga ka go naga ya tshepišo. Gomme Leswika le meetse a ba šetše morago.

... *Leswika le ba šetše morago: . . .*

Bakorinthe ba Pele e le botša bjalo, tema ya 10. Go lokile.

... *Leswika lela e be e le Kriste.*

¹⁰⁸ Modimo o tšere dikahlolo tša batho gomme a di bea godimo ga Kriste, gomme O mmethile. A le lemogile, go bile le sekgetlo mo Leswikeng, go tloga nako yeo go ya pele? Leswika le bile le sekgetlo ka go lona, moo Moshe a bethilego. Gomme Kriste o bile le sekgetlo, ge A be a bethwa, “O gobaditšwe bakeng sa dikarogo tša rena, gomme ka megogoma ya Gagwe re fodišitšwe.” Go tšwa Bophelong bjala go tšwile Meetse a Bophelo ao re ipshina ka ona kudu lehono!

¹⁰⁹ Bjale, gore go hwetše Bophelo bjo, elelwang, Bophelo bja Kriste bo dula le Kereke. Haleluya! Oo, ge re ka kgwaparetša dikgopolo tša rena fale bakeng sa metsotso ye lesome ya go latela! Kriste ga a tlogele Kereke. “Ke tla ba le lena ka mehla, ebile go fihla bofelong bja lefase.” Ke batho bao ba tlogelago Kriste, e sego Kriste a tlogela batho. Batho ba a Le tlogela, ka go sedumele ga bona. Ba tlogela Kriste, e sego Kriste a tlogela batho.

¹¹⁰ Israele e tlogetše moela, e sego moela o tlogela Israele. Le a bona? Gobane, Beibele e e bolela ka go hlaka gore, “Leswika le meetse a šetše Israele morago.” A ba šetše morago! Mogohle ba ilego, Le ile, le lona.

¹¹¹ Oo, ke tla rata, mosong wo, ge re be re ne nako, go phutholla godimo go tema ya 1 ya Joshua, moo A rilego, “Mogohle dikgato tša dinao tša gago di gatago, Ke go file. E ka ba kae o yago, Morena Modimo wa gago o ne nago. O se boife motho e ka ba ofe. Eba le sebete! Feela e ka ba kae o dirago kgato, Ke thwi

fale le wena, ga go tshwenyege moo go lego.” Modimo a sepela le Joshua!

¹¹² Modimo wa go swana o sepela le Kereke ya Gagwe mosong wo. A re nweng go tšwa Mothopong wo mošola. E ka ba kae o dirago kgato, fao ke moo Modimo a tla bago le wena thwi, go nošetša le go go fa Bophelo. “Ke tla ba le wena ka mehla, ebile go fihla bofelong bja lebaka.” Kriste wa go swana maabane, lehono, le go ya go ile. Melao ya Modimo.

¹¹³ Bjale o re, “Gona, Ngwanešu Branham, gobaneng re sa dire dilo gona tšeo re swanetšego go di dira? Go reng dimpho tša rena le dilo ka kerekeng di sa tle mmaleng, go fao e swanetšego go ba gona? Go reng kereke e sa phagamele godimo ka lefelong moo e swanetšego go ba?” Batho, nakong ya go lekwa, ba wela fase boka Israele e dirile. Ba nagana gore Modimo o ba tlogetše.

¹¹⁴ Eupša, elelwang, Leswika ga sa nke la tlogela Israele. Israele e tlogetše Leswika, e lebetše ka ga Leswika go beng le bona dinakong tšohle. Le be le le fale thwi, le ile thwi le bona go fihla bofelong bja mmila. “Le ba šetše morago.” Le be le se bokgole bja go boledišana. Le be le se bokgole bja go kwewa. Goba, le be le se bokgole bja go se bonwe.

¹¹⁵ Gomme le Kriste ga a bjalo! Le Kereke lehono, ga A bokgole bja go boledišana. Ba bangwe ba lena le kgelogile, gomme le dirile seo e lego phošo, gomme le lahlegetšwe ke lethabo lela, gomme Meetse a lena a gopile. O sa le bokgole bja go boledišana le lena. O le šala morago. O tseba mosepelo wo mongwe le wo mongwe le o dirago le se sengwe le se sengwe le se dirago. O hlologetšwe go kwa o Mmiletša tiragalong.

¹¹⁶ Gomme mosepelo wo wa pentecostal wo mogolo wo lehono, Modimo o go letetše go Mmiletša tiragalong. Ga o ka ntle ga bokgole bja go boledišana le Yena. Le ge re dirile phošo, le go dira sebe, le go Mo furalela, le—le go dira dilo re sa swanelago go di dira, eupša efela O ne rena. Kriste o rile O tla ba le rena.

¹¹⁷ Beibele e rile, “Meetse a šetše bana ba Israele morago.” Ge ba nyorilwe, ba tsebile meetse a be a le kgauswi.

¹¹⁸ Bjale, dilo tše di laolwa ke melao. Tshepedišo yohle ya Modimo e beilwe ke melao. Bjale re tla tšea. . . A re emišeng bakeng sa motsotso.

¹¹⁹ A re tšeeng lefase. Le a dikologa, diiri tše dingwe le tše dingwe tše masomepedinne le dira morarelo wa go felela, ka go phethagala kudu, gore. . . Ga sa nke ra kgona, ka saense yohle ya rena, go dira sešupanako go boloka nako go phethagala. Gantši mo nakwaneng e rilego, dišupanako tše dikaonekaone ba kilego ba di dira, mo go kitimeng ga ngwaga, di tla oketša goba tša fotša metsotso ye mentši. Eupša lefase ga le ke la šitwa eupša le fale thwi mo motsotswaneng. Le phethagetše kudu go fihla boramahlale lehono, baphatšalefaufau ba ka go botša, mo mengwageng ye masomepedi go tloga bjale goba mengwaga

ye masometlhano go tloga bjale, feela tlwa letšatši le ngwedi di tla fetana seng. Ge le dikologa ntikodiko ya lona ya iri tše masomepedinne, gomme le retolla nako ya lona go dikologa opiti bakeng sa sehla, ga le lahlegelwe ke go betha. Haleluya! Le phethagetše, ka gobane le sepela go ya ka molao wa Modimo.

¹²⁰ Ba tseba feela tlwa ke neng phulawatle yela e tla tlogo, feela go motsotso, ka gobane ba a tseba ke nako efe ngwedi o welago. Gomme Modimo o ne se sengwe le se sengwe se beilwe lenaneong ke molao. Gomme ge ngwedi wola o wela, phulawatle yela e sepela e wona. Ge ngwedi wola o etla godimo, lephotho lela šele le tla le wona. Gomme ba tseba tlwa, ka go bea nakong, nako yeo ngwedi wola o tla yago fase. Ba kgona go e bea godimo ga khalentare ya almanaka lebaka la mengwaga pejana, le go go botša, go motsotso, nako ge lephoto lela le tla thomago go wela. Kgontho, ka gobane ke tsela yeo ngwedi o yago ntle, ka gobane o beilwe lenaneong ke molao wa Modimo.

¹²¹ Ke be ke eme, letšatši le lengwe, hleng le Letsha la Michigan. Gomme ke ile godimo go Letsha la Superior, tseleng ya ka go ya Canada, mokgobo wola wo mogolo wa meetse. Gomme ke eme fale, gomme ke naganne, “Ke dimaele tše kae go lego go kgabola molokoloko wo mogolo wo wa meetse fa!” Gomme nako yeo morago ga ge ke tshetše Mich-. . . goba Letsha la Superior, ke be ke tla tla ka Michigan, mokgobo wa go nyaka go lekana wa meetse. Gomme go fale, go tloga Letsheng la Superior go ya Letsheng la Michigan, go tloga Letsheng la Michigan go ya Letsheng la Ontario, gomme feela. . . le Huron, le matsha ohle mmogo. Ke bontši bjo bokae bja dibilione atiša ka dibilione atiša ka dibilione, le diparele tša go se balege tša meetse a hlwekilego a letšego ka gare ga letsha lela!

¹²² Gomme mošola ka Nevada, le ka Arizona, New Mexico, California Bohlabela, go letše dimilione tša diekere tša go omelela, mobu wo o tukago. Woo o nonne kudu gore, ge meetse ale a ka tsoge a kgona go tla mmung wola, setšhaba se se ka kgona go fepa lefase, gwa hloka batho ba go bolawa ke tlala, gomme gwa ba le motlalo go lahlela ka lewatleng. Yeo ke nnete! Dimilione tša diekere tše o di ka go mela ditone atiša ka dimilione tša ditone tša dipotata le khabetše, le dinawa le—le lethise, le radise le seleri, le komokomere, le eka ba eng gape. Mobu o tla e mediša, o—o no hlologela meetse.

¹²³ Gomme meetse šea godimo *fa*, gomme mobu šo tlase *fa*. Bjale re kgona go e bona, gomme re a tseba e tla e dira, gobane re ka lekola meetse gomme ra bona a hlwekile, gomme ra lekola mobu gomme ra bona o nonne. Bjale, tumo yohle re ka e dirago, e ka se tsoge ya di tliša mmogo. Eupša, go ne molao, gomme molao woo ke kgogedi ya lefase. Bjale, ge re ka šoma go ya ka kgogedi ya lefase, re ka kgona go nošetša nthatana ye nngwe le ye nngwe ya naga yela, go tšea meetse go tšwa matsheng le go e nošetša. Eupša re tla swanela go šoma go ya ka molao wa kgogedi ya lefase. Re ka

se kgone go e duma ntle fale. Re ka se kgone go e goelesa ntle fale. Re ka se kgone go e goeletša ntle fale. Re swanetše go šoma go ya ka melao ya kgogedi ya lefase, go a tliša fale. Modimo o beile se sengwe le se sengwe molaong.

¹²⁴ Fa, ke be ke nagana, ga ke tsebe ge eba nkile ka le botša se, goba aowa. Ke be ke le tlase ka Kentucky, ke tsoma dihlorana, le Ngwanešu Wood, e ka ba ngwaga wa go feta. Gomme re... Dihlorana di be di hlokega, gomme kafao re ile godimo ngwakong wa moisa, go hwetša mabapi le go tsoma. Monna o bile le diekere tše dintši tša lefelo, gomme lefelong le go be go ne dikgwa tše dintši. Eupša Ngwanešu Wood o mpoeditše, gore, “Monna ke mosedumelemodimo. Ke—ke mosedumele.” Kafao o boletše gore o a mo tseba, kafao o... goba tatagwe o a mo tseba, o tla ya godimo le go kgopela ge eba re ka ba le tumelelo go ya go tsoma.

¹²⁵ Re otletše godimo go ya lefelong la mokgomana. Gomme yena le monna yo mongwe, bobedi bja bona mengwageng ya bona ya masomešupa, ba be ba dutše ka tlase ga mohlare wa moapola. Gomme Mna. Wood o ile go monna yo, gomme o rile go yena, “A nka tsoma gannyane nthatana lefelong la gago?” Gomme o rile, “Gabotse,” o rile, “go lokile.” O rile, “Ke wena Wood ofe? A o mošemane wa Jim Wood?”

A re, “Ke nna yena.”

¹²⁶ O rile, “Gabotse, mokgalabje Jim o be a le wa go botega, le go ya pele.” O rile, “O ka tsoma e ka ba kae o nyakago, lefelong la ka. Ke ne bontši kudu bja diekere tše lekgolo fa, ithuše wenamong. Eya tlase ka go ona masodi, mogohle o nyakago. Nno ikwela o le gae.”

¹²⁷ Ke dutše ka koloing, ka gobane ke naganne moreri le mosedumelemodimo ba ka se sepedišane gabotse, ge eba re be re eya go kgopela monyetla go mosedumelemodimo.

¹²⁸ Kafao gona morago ga nakwana, Ngwanešu Wood o rile, “Gabotse, bjale, a nka ba le modiša wa ka le nna? Ke a thanka go tla loka go yena go tla mmogo.”

¹²⁹ Gomme mokgalabje yo o retologile ka lehlotlo la gagwe, gomme o rile, “Wood, o ra gore o mpošša gore o ile fasefase kudu, go fihla o swanetše go ba le moreri le wena mogohle o yago?”

¹³⁰ Gomme kafao seo, ke naganne, morago ga seo, bokaone ke tšwe ka koloing. Kafao ke tšwile koloing, gomme ka bolela le mokgomana wa motia metsotso e se mekae. Gomme o ntirile ke tsebe thwi ka pela gore ga a ne mohola kudu bakeng sa bareri, ka gobane o naganne ba be ba bolela ka se sengwe seo ba sa tsebego selo ka sona.

¹³¹ O rile, “Ba no gobola se sengwe seo ba sa tsebego selo ka sona. Gabotse,” o rile, “ge monna a bolela le nna, ke nyaka a tsebe se a bolelago ka sona.” Bjale, seo ke tlhaologanyo ye botse. Seo ke

tlaologanyo ye botse. O rile, “Bjale, ge monna a bolela le nna, ga ke nyake a bolela ka se sengwe tsoko, se sengwe, boikgopolelo bjoo a sa tsebego selo ka bjona. Ke nyaka a bolele se sengwe seo a tsebago se a bolelago ka sona.” Gabotse, ke hlomphile seo. Ke hlomphile seo go mokgomana wa motia.

¹³² Gomme kafao ke rile, “Gabotse, nneteng, seo ke moisa yo mongwe le yo mongwe go kakanyo ya gagwe mong.”

¹³³ Gomme o rile, “Go bile le moreri o tee yoo a tlogo fa ka nageng ye, mengwaga e se mekae ya go feta, yoo a bilego le kopano godimo ka Acton.” Gomme o rile, “Moreri yo, bošegong bjo bongwe, a le mosetsebje ka nageng, o rile go mo—mo mohumagadi yoo a bego a dutše ka go batheeletši, ‘O ne sakatuku ka potleng ya gago. Gomme wena Mdi. *Semangmang*. Gomme o ne samme yo a babjago godimo ka thabeng fa. Leina la gagwe ke *Semangmang*. O a hwa, ka kankere ka mogodung.’ Gomme o rile, ‘Tšea sakatuku se gomme o se bee godimo ga samme wa gago, gomme o mmotše, “GO RIALO MORENA, ga a ye go hwa, eupša go phela.”’”

¹³⁴ O rile, “Mosadi yo wa go swana o be a le mogwera wa rena.” Gomme o rile, “Re tšere mosadi yo. . . Sakatuku se godimo; goba monna yo, go motho.” Sa pele o rile, “Mosadi yo, mosadimogatša wa ka le nna re be re bile godimo fale mosong woo gomme re be re tšere, re hlokometše mosadi yo. Gomme o be a le gampe kudu! Dingaka di mo hlobogile, kgale kudu. O be a le gampe kudu go fihla re be re swanetše go mo sepediša ka lepai, go mo kukela godimo paneng ya bolao, go mmušetša morago. Go mo retolla ka lepaing, o be a le gampe kudu.” O rile, “Bošegong bjo bongwe, godimo fale, go tliile lešata boka yo mongwe o be a hwile.”

¹³⁵ Yoo e be e le Ben godimo fale, ka sakatuku sela, a se iša godimo fale. Ke a dumela e be e le wena, a e be e se, Ben? [Ngwanešu Ben o re, “Amene. Amene.”—Mor.] E be e le Ngwanešu Ben godimo fale, a iša sakatuku sela, gobane o išitše mosadi godimo fale.

¹³⁶ Gomme o rile, “Mosong wa go latela, o be a eja diphae tša go gadikwa tša apola.” Gomme o rile, “Ga a dire feela mošomo wa gagwe mong, eupša o dira le mošomo wa moagišani. O be a fodile kudu!” O rile, “Bjale ke be ke fela ke makala. Ge nka tsoge ka bona moreri yola, o tsebile se a bego a bolela ka sona,” o rile, “ke—ke tla rata go bolela le yena.”

¹³⁷ Ngwanešu Wood o lebeletše godimo go nna, gomme ke lebeletše godimo go yena. Ke eme fale, ke kgamathetše, le go tšwa kudumela le go ba le tšhila, ke be ke kampire ka dikgweng, le—le madi a dihlorana gohle godimo ga ka. Gomme kafao ke rile, “Gabotse,” ke rile, “a. . . O ra gore o ka bolela le moisa yo gomme o tla go botša ka fao a e dirilego?”

O rile, “Ee, mohlomphegi, seo ke se ke se rago.”

Ke rile, “Gabotse, seo ke—seo ke selo se sebotse.”

138 Ke be ke eja ye nngwe ya diapola tša gagwe. Ditsakete tša kgale tše serolwana tše nnyane di be di etla go tšona fale, le a tseba, go lehlabula la ngwaga, ka Agosetose. Kafao ke bile le apola ye nnyane ye, gomme ke be ke e jele. Gomme ke rile, “Yeo ke apola ye bose kudu.” Ke rile, “Ke lebaka le lekaakang mohlare wola o bile fao?”

139 “Oo,” o rile, “ke o bjetše mohlare wola fale, mengwaga ye masometharo goba masomenne ya go feta, goba se sengwe gape.”

140 “Ee, mohlomphegi.” Ke rile, “Ke tla no rata go go botšiša potšišo.” Ke rile, “Go kgonega bjang ka lefaseng. . . Ke bona diapola tšela di wa go tšwa mohlareng wola, gomme mahlare a ona a hlohlorega, gomme fa e sa no ba bogare bja Agosetose.” Gomme ke rile, “Ga se re be le ebile go tonya, ebile ga se re be le lehlwa goba e ka ba eng, gomme efela ona mahlare a hlohlorega go tloga mohlareng woo. Gobaneng go le seo?”

O rile, “Boreku bo tlogile mohlareng.”

“Oo,” ke rile, “bo ile kae?”

O rile, “Fase ka medung.”

Gomme ke rile, “Gona bo tla tšea lebaka le lekaakang bo dutše ka fase fale?”

O rile, “Go fihlela seruthwana.”

141 Gomme ke rile, “Nako yeo bo tla bowa godimo, le go go tlišetša mahlare a maswa bakeng sa morithi, diapola tše diswa go lewa.”

O rile, “Yeo ke nnete. Nnete tlwa.”

142 Ke rile, “Gabotse, ke nyaka go go botšiša se sengwe, mohlomphegi. O bolela ka baisa bale bao ba sa tsebe go se ba se bolelago.” Ke rile, “A o ka ntlhathollela ke Bohlale bofe bo dirago boreku bjola go tlogela mohlare wola? Ge bo ka dula fale go kgabola marega, mohlare o tla hwa. O tla bolaya mohlare. Tlhako ya bophelo e ka go boreku bjola.” Kafao ke rile, “E tla bolaya mohlare. Ke Bohlale bofe bo dirago boreku bjola go tšwa mohlareng wola, fase ka medung, le go dula go fihlela nako ya seruthwana, gomme morago bja tla godimo gape go tliša diapola tše dingwe tše dintši?” Ke rile, “Bea meetse ka paketeng gomme o a bee koteng, gomme o bone ge eba, ka Agosetose, a tla ya tlase go botlase bja kota gomme a bowa godimo nakong ya seruthwana. O a bona?” Ke rile, “Go na le molao wo o rilego, go na le molao wa tlhago. Bohlale tsoko bo beile molao wo lenaneong. E sego seo feela, eupša Bohlale bjola bja go swana bo swanetše go šoma ka molao, woo o bo išago tlase ka modung wa mohlare, le go bowa morago.”

O rile, “Ga se nke ka nagana ka seo.”

143 Ke rile, “A o ka. . . Ge o ka tsoge wa hwetša Bohlale bjoo bo dirago boreku go tloga makaleng ale a mohlare, tlase ka

medung le go bowa morago, bjoo ke Bohlale bja go swana bjoo bo mpoditšego godimo fale bošegong bjola, ‘Eya, bea sakatuku go mosadi.’”

O rile, “Gomme wena o moreri yola?”

Ke rile, “Ee, mohlomphegi, yeo ke nnete.”

¹⁴⁴ Ngwaga wa go feta ke be ke le godimo (o re tlogetše), gomme ge mohlologadi wa gagwe a be a dutše mathuding, a ebola diapola, go tšwa mohlareng wola wa go swana. Ngwanešu . . . Sa pele ba be ba eya go re raka, ba be ba sa tsebe re bomang. Gomme ke ile le go mmotša ka ga yona, gore re bile le tumelelo go tšwa go yena. Gomme re mmoditše ka ga yona, o rile, “O dirile boipolelo bja go tlala bja Kriste pele a hlokofala.”

¹⁴⁵ Le a bona, ke eng e dirago mohlare wola, ke Bohlale bofe bo išago bjola fase? Ke molao. Ke molao woo Modimo a o beilego lenaneong. Gomme molao woo ke molao wa Modimo woo o tla go hlokomela balatedi. Amene.

¹⁴⁶ Le a tseba, ga ke kgathale o goeletša kudu gakaakang, le go re—go re bjale, “Ga go ye go, letšatši ga le ye go hlaba gape selemong se.” Le tla hlaba, go le bjalo. Ke bontši gakaakang o yago go re, “Ga—ga—ga ke ye go dumelela bošego go tla.” Bo tla tla, go le bjalo. Ka gobane selo se re phelago go sona, se bitšwago lefase, se bušwa ke molao wa Modimo.

¹⁴⁷ Bjale, baena le dikgaetšedi, ke nyaka go le botšiša se sengwe. Gona, ge re tswetšwe gape ka Moya wa Modimo . . . Modimo ga a ne dikarolo tše nnyane tša go fokola le dikarolo tše kgolo tše maatla, Yena ka gohle ke Modimo! Gomme ge o ne go lekanela ga Modimo ka go wena, go fihla Go no bile go nyaka go ba morithi, ao ke maatla a go lekanela go dira lefase le leswa. Ao ke maatla go lekanela go dira ngwedi wo moswa le tšhepedišo ye mpsha. Ke Modimo, gomme go tiile! Gomme gonabjale modumedu ye mongwe le yo mongwe ka fa o ne Bophelo bjo Bosafelego, e lego, Moya wa Modimo ka go wena; Maatla a go lekanela ao a tlogo tsoša bahu, ao a tlogo fodiša balwetši, ao a tlogo bea diopiti diemong. Eupša wena, a laolwa ke molao, Moya wola o lego ka go wena. Lena le barwa le barwedi ba Modimo. Moya wola wa go swana woo le nago le wona ka go lena, o tla tsoša lenabeng mo letšatšing la tsogo.

¹⁴⁸ Jesu, ge A be a le fa mo lefaseng, ge A hwile, soulo ya Gagwe e theogetše ka Heleng, “Gomme e reretše meboya yeo e bego e le ka kgolegong, disoulo ka kgolegong, tšeo di sa sokologago ka go pelofala ga matšatši a Noage.” Mmele wa Gagwe o ile ka lebitleng. Eupša pele A ehwa, O gafetše Moya wa Gagwe ka diatleng tša Modimo. Moya wa Gagwe o ile go Modimo; soulo ya Gagwe e ile Heleng; gomme mmele wa Gagwe o ile lebitleng. Gomme Jesu o be a thibetšwe go tšwa tsogong go fihlela Lengwalo le phethagaditšwe. O be a ka se bowe morago, ka gobane O be a swanetše go dula ka lebitleng lebaka la matšatši

le mašego a mararo. Eupša ge Lengwalo le phethagadišwe lohle, sethibi se se ile sa tlošwa; Moya wa Gagwe o theogetše go soulo ya Gagwe, soulo ya Gagwe go mmele wa Gagwe, gomme O tsogile gape.

¹⁴⁹ Gomme ge re ehwa, disoulo tša rena di tla ya ka tlase ga aletara ya Modimo; moo ke filwego monyetla go go bona, mesong e se mekae ya go feta, bjalo ka ge le tseba, ka pono, moo Beibele e bolelago ka gona. “Meboya ya rena e tla ya go Modimo Yo a e filego, gomme mebele ya rena e tla boela leroleng la lefase.” Eupša letšatši le lengwe, ge Lengwalo le phethagadišwe, meboya ya rena e tla lokollwa go tšwa go Modimo, e tla topa soulo, gomme soulo go mmele. Gomme Maatla ao a tla go re tsoša, a ka go rena thwi bjale! Rena bjale re ka mafelong a Magodimong. Rena bjale re ka Maatleng a tsogo.

¹⁵⁰ Ge nkabe go se molao go seo, barwa le barwedi ba Modimo ba be ba tla itlholela lefase ntle fa le go ya go phela bophelo bja sephiri go lona. Le ne Maatla ka go lena go e dira. Ge o na le morithi wa Maatla a Modimo ka go wena, o ne Maatla go e dira. Modimo ke makgonatšohle. Le bona se ke se rago? Maatla ao a lego ka go lena a tla dira. Le ka kgona go bolela lefase go ba gona gomme la phela ka go lona. Haleluya! Ke lena bao.

¹⁵¹ Ao ke se Maatla a lego sona ka Kerekeng bjale, eupša a laolwa ke molao. Gomme molao woo ga se “go boloka sehlopha sa ditaelo.” Ke molao wa tumelo. Jesu o rile, “Dilo tšohle di a kgonega go bona bao ba dumelago.” Gomme ge le ka kgona go e dumela, e ka ba eng Modimo a tla hlalhelago soulo ya gago go dumela, yeo ke ya gago. Lefelo le lengwe le le lengwe dikgato tša dinao tša lena di gatago, ka tumelo, Modimo o go fa yona. Amene! Ke ya gago, o mong wa yona, ge o ka kgona go hwetša sekgonyo go molao wo wa tumelo woo o e bulago go wena. Le bona se ke se rago? Maatla ao a laolwa ka. . . Ge o le morwa wa Modimo, o morwedi wa Modimo, ao ga a ke a go tlogela. A na le wena nako yohle. Eupša, tumelo ya gago e tloga go Ona, eupša A sa le gona. Haleluya!

¹⁵² Ge o phološitšwe, Modimo o go fa tumelo go tsoga go tšwa lerageng la lefase. Tumelo ya gago e fenyā dilo tša lefase. Tumelo ya gago ke eng? Tumelo ya gago ka go tiro yela yeo Modimo a e dirilego ka go wena, go go dira morwa wa Modimo. O tlogela go aketša ga gago, o tlogela go utswa ga gago, o tlogela go nwa ga gago, ka gobane tumelo e go phagamišetša ka godimo ga yona. Amene. Ge o sa e dire, ga o na tumelo e ka ba efeng. “Gomme le phološitšwe ka tumelo, gomme yeo ka mogau.”

¹⁵³ Bontši ka fao tumelo ya gago e tla lokollwago, ke ka fao o tla bago le bontši bja Maatla, ka gobane ka go wena go agile Maatla go dira Magodimo le lefase. Modimo o agile ka go wena, gomme le barwa le barwedi ba Modimo. Amene! Ke lena bao. Eupša, ke tumelo ya gago. Jesu o rile, “Go ya ka tumelo ya gago, a go

be go wena. Ge o ka kgona go dumela, dilo tšohle di a kgonega. Ruri, Ke re go lena, ge o ka re go thaba ye, 'Šutha,' gomme wa se belaele, eupša wa dumela se o se boletšego."

¹⁵⁴ Gona ke batho ba mohuta ofe le swanetšego, re be bona, go beng le tumelo ka go Kriste yo mogolo yo yoo a phelago ka go rena, Leswika le le otlilwego leo le sa nkego la tlogela Kereke? "Ke na le lena ka mehla, ebile go fihla bofelong bja lefase," Bogona bja neng le leng bja tšhologo ye kgolo ya phološo le Maatla ao a tšhologetšego pele go tšwa Khalibari ka go Kereke, Bogona bja neng le neng bja Modimo wa go phela, go falala go gogolo, Leswika le le otlilwego leo le sepelago le rena leetong la rena.

¹⁵⁵ Israele e lahlegetšwe ke tumelo ya yona. Ba phamogile tseleng. Ba thomile go duma bakeng sa dipitša tša nama. Ge nkabe ba dutše le tumelo, le go dumela gore Modimo o be a ba iša nageng, go ka be go se go be le selo go ba šitiša. Ba be ba šetše ba butše mawatle, ba be ba rathile dikotlo go manaba a bona, ba be ba bapotše manaba a bona ka morago ga bona, gomme ba be ba sepeletše godimo ka nageng, gomme go le bjalo ga se ba be le tumelo go ya go tshepišo.

¹⁵⁶ Joshua le Kalebe ba bile le tumelo yela! Ba rile, "Re kgona kudu go fenyā eng kapa eng yeo e tlogo pele ga rena."

¹⁵⁷ Bjoō ke bothata ka kereke. Re kgona go fenyā bolwetši bjo bongwe le bjo bongwe. Re ne Maatla ka go rena. Re barwa le barwedi ba Modimo, ga se gona se ka emago pele ga rena. Selo se nnoši, O nyaka go hwetša yo mongwe yo a tla e dumelago, yo a tla dumelago se Modimo šetšego a re diretše. E sego re tla ba; re bona bjale! Gomme Bogona bja neng le neng bja go phela bja Moya bo ka go rena. Amene! Ke lena bao.

¹⁵⁸ Seo ke se ke se rago ge ke boletše ka ga sehlogo mosong wo, *Meetse A Ka Mehla Go Tšwa Leswikeng*. Meetse a ka mehla go tšwa Leswikeng a thwi fa bjale, Meetse ale a ka mehla go tšwa Leswikeng le le otlilwego ka Khalibari. Ge Moya wo Mokgethwa wola o tšwile go Yena mo Khalibari, woo o tlogo morago go Kereke ka Letšatši la Pentecost, Moya wo Mokgethwa wa go swana o gona mosong wo. Gomme O re fa tshepišo!

¹⁵⁹ Ke lebaka leo, go sepeleng pele ga batho ba go babja, ge a nthomile mošola, ke a e dumela; Modimo o boletše bjalo! Ke ka fao dipono di diregago; Modimo o e tshepišitše! Modimo a ka se aketše.

¹⁶⁰ E dumeleng! Le swanetše go e dumela. Go swanetše go ba Sengwe fale, se bula mokgeloši yola, sa bula selo sela go go dumelela go yona. Se re se hlokago lehono ga se go rapela bakeng sa Maatla a mantši. Le ne Maatla a go lekanela go dira lefase le leswa. Se le se hlokago ke tumelo go šomiša Maatla ale. Se le se hlokago ke go laola bophelo bjola, le go phela bophelo bja bomodimo bjalo, gore ge le kgopela Modimo e ka ba eng, le a

tseba! Re ne boitshepo ka go Modimo, bja seo. Re a tseba, ge re boloka Melao ya Gagwe, A ka se re fihlele selo se se lokilego, ge re sepela le Yena. Modimo a sepela le rena. Oo, nna!

¹⁶¹ Ba bile le efela selo se setee go se dira. Ba bile eupša le selo se setee go dira, e lego, go dula ka go lokologa mo tseleng. E sego go hlhlathela godimo *fa*, le go hlhlathela godimo *fale*; eupša go dula tseleng! Kereke e ne eupša selo se tee go se dira, go dula tseleng! Ba bile le Pilara ya Mollo, yeo ba bilego le yona, go boloka bonabeng tseleng ka go latela Pilara yela ya Mollo. Yeo ke ye e ba etilegopele. Sedirwa sa bona ba kgonne go se bona, e be e le Pilara yela ya Mollo. Ba E bone e šoma ka Moshe, gomme ba tsebile gore o be a le moetapele.

¹⁶² Lehono re na le Lentšu. Re latela Lentšu. Gomme re bona Lentšu le šoma ka go badumedi, gomme re a tseba go bjalo, gona. Modimo a šoma ka rena, a tiiša Lentšu ka maswao a latela! Re dula le Lentšu. Lentšu le tšweletša dipoelo.

¹⁶³ Ba dutše le Moshe. Ka gobane, Pilara ya Mollo, Moše o šetše Yona morago. Gomme ba šetše morago. Ge ba thoma go hlanogela Moshe, le go nganga kgahlanong le Modimo le kgahlanong le Moshe, ba fihlile go hlhlathela go lehlakore le letee le le lengwe. Mathata a a tsena. Kgontho.

¹⁶⁴ Re dula le Lentšu, gomme Lentšu le tšweletša maswao. Jesu o rile, “Maswao a a tla latela bona bao ba dumelago Lentšu.” Le a bona, e dula le . . . Le dula le Lentšu, Lentšu le tšweletša maswao. Eupša, Moshe, o dirile eng?

¹⁶⁵ Ba hlhlathile, gomme ba dirile eng? Ba hlhlathile go tloga tseleng, gomme ba lahlegetšwe ke neo ya bona ya meetse.

¹⁶⁶ Ke nagana seo ke se kereke e se dirilego lehono. E hlhlathile go tloga tseleng ya Lengwalo. Ba hlhlathetše go dism. Ba hlhlathetše go dilo tše dinnyane tšeo ba sa swanelago go di dira. Ba amogetše dilo. Ba amogetše dilo boka Thutotumelo ya Baapostola. Ke kae fao o hwetšago seo ke Beibeleng? Ba amogetše dikatikasema tšeo ba di balago. Ba amogetše dikereke tša maina sebakeng sa boitemogelo. Ba amogetše go šikinya diatla bakeng sa boitemogelo bja go tswalwa gape. Ba amogetše go fafatša bakeng sa meetse a kolobetšo. Ba amogetše sebopego sa bobo, “Tate, Morwa, le Moya wo Mokgethwa,” mola go se selo se sebjalo ka Beibeleng. Beibele e rile, “Leineng la Jesu Kriste!” Go ne selo se setee go se dira ge le nyaka Meetse ale a go swana, etlang morago tseleng gape. Etlang morago go . . . Ga se a tloga; O sa le fa. Le tšea dithutotumelo sebakeng sa Kriste. Le hlhlathela go mantladima.

¹⁶⁷ Yo mongwe o rile, “Gabotse, nna ke Momethodist.”

Yo mongwe o re, “Nna ke Mobaptist.”

Seo se bontšha ga o Mokriste, gona. Re ba ga Kriste! Re ba Gagwe.

O re, “Gabotse, ge, nna, Mobaptist?”

Ge seo e le sohle o lego, gona ga se wena wa ga Kriste, o Mobaptist.

O re, “Gabotse, ke nna Mopentecostal.”

Ge o no ba Mopentecostal ka kereke ya leina, seo ke sohle o lego.

¹⁶⁸ Eupša, ge o na le boitemogelo bja bopentecostal! Gomme Lentšu la bopentecostal le tla tliša boitemogelo bja bopentecostal! Latela selo sa go swana barutiwa bale ba se dirilego, dula godimo fale go fihlela o tladitšwe ka Moya wo Mokgethwa.

¹⁶⁹ Gomme gona ge seo o se hwetša kgahlanong le Lentšu, moya woo ka go wena o ya kgahlanong le se Lentšu le se bolelago, gona ga se Moya wo Mokgethwa. Ke diabololo a ekiša Moya wo Mokgethwa. Le bona mo re fihlago go yona? Oo, ba bangwe ba rena ba boletše ka maleme, re bile le go mantladima a go goeletša le dilo boka tšeo, le go gana dilo tšohle tše dingwe tše. Re dumeletše se sengwe le se sengwe seo se bego se se Lengwalong go tla ka kerekeng. Re kae lehono? Re morago ka leganateng le lengwe, mekgatlo ya go omelela. Re kगतlofaditše, gomme ra lahlegelwa ke Meetse a rena. Seo ke tlwa se Pentecost e se dirilego. Ge e thoma go kगतlofala, e thoma go roba kopanelo, gomme ba re, “Gabotse, bjale re ka se amane, ge mothaka yo a dumela seo.”

¹⁷⁰ Eyang pele, dulang le yena go fihlela a etla go Lentšu la Therešo, tsebo ya Therešo. E ka ba eng e lego, e lese e sepele, go le bjalo. Nno yang pele, ebang bjalo ka banešu.

¹⁷¹ Eupša, oo, re ile ra swanela go kगतlofala, le go re, “Gabotse, gobane wena ga o Mooneness, gobane wena ga o Motwoneess, goba Mothreeness, goba boka yo, re ka se be le kopanelo le wena.” Gona ge re dira seo, re dira eng? Re itliša renabeng thwi morago go leganata gape. Yeo ke nnete!

¹⁷² Eupša, elwang, ge Israele e hlhlathile go tloga tseleng, tsela go ya naging ya tshepišo, Leswika ga sa nke la ba tlogela; Le dutše thwi fale, le meetse a dirile bjalo. Le Moya wo Mokgethwa o bjalo, o dula thwi fale. Ga ra swanela go hlhlathela morago.

¹⁷³ Bjale, fa Modimo o re ruta selo se segolo. Modimo o re ruta thuto fa. Kriste o bethilwe ga tee, go re fa boitemogelo bja bopentecostal, nako e tee, go bohle. Bjale, ge Leswika lela le bethilwe, ga se La swanela go otlwa gape. Le be le bethilwe feela gatee.

¹⁷⁴ Moshe o dirile phošo ka go Le betha lekga la bobedi, go bontšha bofokodi bja tumelo ya gagwe ka go Poelano. Eupša ge Kriste a bethilwe gatee, re a tseba A ka se swanelwe go bethwa gape. Gabotse, Moshe o be a dira eng? Moshe o be a hloma se sengwe se seswa, a leka go dira selo se seswa.

175 Gomme ke tsela yeo baruti ba rena ba dirilego lehono. Ba lekile go dira se sengwe se seswa. “Gabotse re tla itira Maassemblies of God renabeng. Re tla itira Pentecostal Church of God renabeng. Re tla itira General Council renabeng. Re tla itira se renabeng, seo, goba se *sengwe*.” Seo ga se se Modimo a se dirilego. Yeo e be e se kgopolo ya Gagwe.

176 Kriste o iteilwe gatee. Bjoo ke boitemogelo bja setlogo. Yeo ke tsela ya setlogo. Mo Letšatšing la Pentecost, Petro o rile, “Sokologang, yo mongwe le yo mongwe wa lena, gomme le kolobetsweng Leineng la Jesu Kriste.”

177 “Re fafatša leineng la ‘Tate, Morwa, Moya wo Mokgethwa,’ go fa mehuta yohle ya dithutotumelo le se sengwe le se sengwe gape ka Yona.” Ge re tepoga go tloga go Lentšu, ga go makatše ga re kgone go ya felo. Le a bona?

178 Modimo o re ruta thuto. Moshe o be a se a swanela go re, “Bjale re tla thoma se sengwe se se mpsha fa bjale, gomme re tla kgatlofala gomme re tla dira kereke ya Katoliki.” Seo ke selo sa mathomo ba se dirilego. Aowa, gona morago ga nakwana, “Gabotse, re tla thoma se sengwe se seswa go tšwa go seo, re tla dira Lutheran.” Morago go tla Anglican, gomme morago Baptist, gomme le eng gape, le Macampbellite, le Church of Christ, le molwalekriste, le dilo tše dingwe tšohle. Le a bona, bohle ba thomile go ya, yo motee morago ga yo motee, yo motee morago ga yo mongwe, go direng dikereke tša maina le mekgatlo. Seo e be e se sona. Le a bona fale se ba bego ba se dira? Ba betha Leswika gape, go thoma se sengwe se seswa. Ga re hloke thuto ye mpsha.

179 Motho yo mongwe le yo mongwe ka Beibeleng o kolobeditšwe Leineng la Jesu Kriste. Motho yo mongwe le yo mongwe ka Beibeleng yoo a hweditšego Moya wo Mokgethwa, o tla ka tsela ya Modimo, tšwa ka tsela ye Modimo a e dirilego go ba. Ba dirile selo sa go swana. Ba bile le boitemogelo bja go swana. Maswao a go swana a ba latetše. Mediro ya go swana e ba latetše. Gobaneng? Ba phetše ka Leswika. Ba hweditše Meetse a go swana.

180 Gomme, lehono, lebaka le re nago le dithutotumelo le dikereke tša maina tše dintši bjalo, ke ka gobane re thoma selo se seswa. Ga re hloke selo se seswa. Eyang morago!

181 Moshe o be a se a swanela go betha Leswika gape, go thoma se sengwe se seswa. O be a swanetše go bolela le bona, ka ga Leswika la setlogo. Oo, ke a holofela le hwetša seo! Moshe o be a swanetše go bolela ka ga la setlogo, Leswika le le bethilwego; e sego go leka go Le betha gape, e sego go leka go thoma se sengwe se seswa, eupša go bolela go Selo sa kgale!

182 Modimo, nthuše! Ge nka hwa mohloki, ka phuluphithing, ke tla bolela ka Leswika la setlogo! Ke tla bolela ka boitemogelo bja setlogo. Ke tla bolela ka Mangwalo a setlogo ao a a ba filego

kolobetšo ya Moya wo Mokgethwa, “Sokologang, yo mongwe le yo mongwe wa lena, gomme le kolobetšweng Leineng la Jesu Kriste bakeng sa tebelelo ya dibe, gomme le tla amogela neo ya Moya wo Mokgethwa.” Bogona bja ka mehla bja Meetse a a elelago go tšwa Leswikeng bo sa ne rena. Bo tla tliša selo sa go swana. Bo tla tliša dipono. Bo tla tliša diphodišo. Bo tla tliša diprofeto. Bo tla tliša se sengwe le se sengwe ba se dirilego.

¹⁸³ Ge Israele e bile mothalong morago ka Mangwalong gape, le go boela morago tseleng, ba ile pele go naga ya tshepišo. Eupša go ba tšere mengwaga ye masomenne.

¹⁸⁴ Pentecost e bile e ka ba mengwaga ye masomenne goba masomehlano, ba pharuma tikologong ka lešokeng. Etlang morago go Leswika! Le a bonala. Lona šele, le ngwadilwe fa ka go Lentšu. Moya wo Mokgethwa o fa o dira selo sa go swana ka mehla A se dirilego, kafao Bogona bja ka mehla bja Meetse bo fa. Nno tlang morago go Lona, tlang morago go tša pele, ya setlogo. Go bile bjang setlogong?

¹⁸⁵ “Gabotse, ba šikintše diatla le moreri”? Ga go selo se se bjalo. “Ba kolobeditšwe leineng la “Tate, Morwa, Moya wo Mokgethwa”? Ga go selo se se bjalo. Ga go batho ka Beibeleng, e ka ba kae, goba (ka ntle ga mengwaga ye makgolotharo) ka ntle ga Beibele, a kilego a kolobetšwa leineng la “Tate, Morwa, Moya wo Mokgethwa.” Yeo ke thutotumelo ya Katoliki, e sego thuto ya Beibele. Le a bona?

¹⁸⁶ Ba bile le Moya wo Mokgethwa. Maswao a a latetše bona bao ba dumetšego. Go tla e dira gape lehono. Leswika lela le no ba go phela ka mehla boka le kile la ba, Leswika lela le bethilwego!

¹⁸⁷ Anke re se re, “Gabotse, bjale o tla godimo le go tšoenana kereke ya rena ya Pentecostal, tsena dikgaong tša rena tša Pentecostal.” “Aowa, o tla godimo le go tšoenana Baptist, goba Methodist, goba Presbyterian, goba Katoliki.” Ke eng seo? Seo ke go betha Leswika gapegape, go leka go thoma se sengwe se seswa.

¹⁸⁸ Ba botše, “Sokologang, gomme le kolobetšweng Leineng la Jesu Kriste,” bakeng sa tebelelo ya dibe tša bona, “gomme maswao a a tla latela bona bao ba dumelago.” Bjale o morago tseleng, morago go Meetse a go swana. Meetse a go swana a tla fa boitapološo bja go swana. A tla fa timulo ya go swana go mmele. A tla fa maatla a go hlwekiša a go swana. A tla fa maatla a phodišo a go swana. A tla dira selo sa go swana a se dirilego nako yela, ge re ka no boela morago go Moya wa go swana.

¹⁸⁹ Bophelo mohlareng wa mobeine wa morara bo tla tšweletša merara. Ge o dirile ngwagola, o tla dira selo sa go swana ngwago. Woo ke molao wa Modimo. Molao wa Modimo ke gore, ge wo e le mohlare wa morara, o tlogele o nnoši, o tla tšweletša merara. O ka o tswakanya le se sengwe gape, eupša gona o tlogele o nnoši gomme o tla boela thwi morago go merara ya go swana gape.

¹⁹⁰ Kafao re tswakantše kereke le Bopentecostalism, le Bopabtistism, le Bomethodistism, le Bopresbyterianism, le—le Boanglicanism, le mohuta wo mongwe le wo mongwe wa ism. Gobaneng le sa o tlogele o nnoši? Etlang morago go Morara, go tla tla morago go Maatla a go swana. Amene! Amene! Ke rata seo.

¹⁹¹ “Thoma se sengwe se seswa.” Selo sa go swana re se dirilego. E sego go leka go bontšha maatlataolo a rena. “Ngaka *Semangmang* ke mothomi wa kerekekgolo *Efeefe wa efeleefe*.” Seo e be e se sona.

¹⁹² Seo ke se Moshe a rilego, “Ke tla ba bontšha se nka se dirago. Ke tla a tliša, go le bjalo!” O Le bethile, ga se a tle. O goeeditšhe gape, “Le bontšha se nkago se dira!” Modimo o šogane le yena bakeng sa seo.

¹⁹³ Le se nagane, ge le “no swarelela go kereke tsoko ya leina.” Modimo o tla šogana le lena bakeng sa seo. Yeo ke therešo tlwa. Le swanetše go tla morago go sela sa setlogo. Etlang morago.

¹⁹⁴ E no bolela le batho. (Se ba botše, “Lena tlang le tšoenne kereke ya rena. Lena tlang le bolele thutotumelo ya rena.”) “Lena tlang morago gomme le sokologe, gomme le kolobetšwe Leineng la Jesu Kriste, bakeng sa tebalelo ya dibe tša lena; gomme le tla amogela neo ya Moya wo Mokgethwa, ge pelo tša lena di lokile. Gomme maswao a a tla latela badumedi. Sehlopha sa badumedi, maswao a a tla sepela le bona.” Gobane ka baka la eng? Leswika, Leswika le le bethilwego le Meetse a Gagwe a Bophelo a a tšwelela thwi, a tšweletša selo sa go swana seo A se dirilego morago fale. Go no se kgone go e thuša. Oo, ee.

¹⁹⁵ Re nyaka go bogwa, le go re, “Ke rena Methodist, le Baptist.”

¹⁹⁶ Nno bolelang le Leswika, O Gona ka mehla. Se lekeng go Le tšoenne. Ke “tšoenne” tlase fa. Se lekeng go Le tšoenne. Le ka se kgone go tšoenne Le, seo ke selo se tee sa therešo. Le ka tšoenne Methodist, le ka tšoenne Baptist, le ka tšoenne Mapentecostal, le ka tšoenne Maanglican, eupša le ka se tšoenne Le. Aowa. Le swanetše go tlatšwa ka Wo. Le se Le tšoeneng; nno tlatšwang ka Wona. Yeo ke phetho. E tletše ka eng? Tletše ka Maatla, tletše ka Moya, tletše ka Bophelo, tletše ka lethabo, khutšo, bopelotelele, botho, go loka, Maatla a Moya wo Mokgethwa ka bophelong bja lena, ka gobane Bogona bja ka mehla bo fao. Ellelwang.

Ke tla swanela go tswalela gobane go ba thari.

¹⁹⁷ Eupša, elelwang, Leswika lela ga sa nke la ba tlogela. Ga sa nke La ke la ba tlogela. Gomme Kriste a ka se tsoge a re tlogela; Kriste o rile, “Ke tla ba le lena ka mehla, e bile go ya pheletšong ya lefase.” A yeo ke nnete? Gomme Leswika lela le dutše le bona tsela yohle go tloga Horebe go ya Nebo. Le dirile. Tlase go ya Jorodane, Le be le sa le gona. O Modimo, ke nyaka go Le bona mo Jorodane!

198 Moshe, ge a be a le Jorodane, Leswika le be le le le yena tsela yohle. Gomme o be a eme fale, a lebeletše tlase go se—se sehlopha sa batho ba ba kgelogilego gomme ba tlogile go Modimo. Pelo ya gagwe e be e ba hlologeletše. Gomme o lebeletše mošola wa Jorodane. Šole o be a le kua Jorodane. Jorodane, ya semoya, ke bolela ka yona. šole o be a eme fale, lehu le be le etla godimo ga matsogo a seaparo sa gagwe. Eupša o lebeletše, fale hleng le yena go letše gomme fale go letše Leswika. O nno tepogela godimo go Leswika, gomme Barongwa ba tla, ba mo rwala.

199 “Nka se tsoge ka le tlogela goba go le hlokomologa.” Ga go kgathale dinako di ba tše thata gakaakang, re tšofala gakaakang, ke mohuta mang wa lehu re hwago, elelwang, Leswika le tla ba fale kua Jorodane. Le ka se tsoge la tloga goba la tsoge la hlokomologa. E no elelwang seo. Bogona bja ka mehla bja Meetse go tšwa Leswikeng bo tla ba le rena gohle tlase go kgabola bophelo, gomme ebile le kua Jorodane.

200 A re inamišeng dihlogo tša rena. [Ngwanešu ka phuthegong o fa molaetša wa seprofeto—Mor.]

201 Ge Moya wola o sepela magareng ga rena, Moya wa Modimo o sepela magareng ga rena, a go tla ba bale fa mosong wo bao ba sa tsebego Kriste, gomme ga le—ga le kgauswi la Leswika lela, le se seemong sa go boledišana le Lona mosong wo? Eupša le a tseba Le gona. Lebelelang Lona le šoma mogohle, bonang Yena a sepela tikologong, bonang Lona le sepela godimo ga batho. Bjo ke Bogona bja ka mehla bja Meetse. Yeo ke phološo. Woo ke Moya woo o tlatšago dikomiki tša bona go fihla lefelong ga ba sa kgona go itshwara botelele bofeng, se sengwe se swanetše go tšwelela. Gomme ga le Mo tsebe, a le ka rata go phagamiša seatla sa lena gomme la re, “Nthapelele, Ngwanešu Branham. Bjale ke nyaka go Mo tseba. Gomme ke nyaka go bolela le Yena, gomme ke nyaka go Mo tseba bjalo ka botlalo bja Moya wa Gagwe. Ke nyaka go tseba gore O thwi kgauswi le nna, nako yohle. Ke a dumela O gona. Eupša ke nyaka go ba poledišanong le yena. Gomme ke nyirilwe, gomme ke swerwe ke tlala bakeng sa Modimo. Ke nyaka go Mo tseba bokaone?”

202 Modimo a go šegofatše, mohlomphegi. Gomme Modimo a go šegofatše, mohlomphegi. Le wena, ngwanešu. Wena, ya, moragorago ka morago. Tlase fa, mohumagadi, ee. Ee, mohumagadi. Re bona diatla tša gago, gomme Modimo o a di bona. Modimo a go šegofatše, lesogana. Modimo a go šegofatše. Le wena, mohumagadi. Amene. Modimo a go šegofatše. Šegofala, kgaetšedi. Yo mongwe gape bjale, nakwaneng ya setu. Modimo a go šegofatše, moragorago fale, moisa yo moswa.

203 Naganang ka bjona. Naganang ka bjona, Bogona bja ka mehla bja Meetse go tšwa Leswikeng, Moya wola wa go swana; woo A goeditšego ntle fale ka letšatši le kahlolo bakeng sa Gagwe, ge A tšea kahlolo ya rena. Gomme lepara la bogale bja

Modimo le rathile godimo ga Gagwe, gomme dibe tše lena di be di phuthetšwe ka go lepara lela, gomme la Mo ratha, gomme Madi a Gagwe le meetse a falalela ntle go tšwa go Yena. O rile, “Tate, Ke gafela Moya wa Ka diatleng tša Gago.” Gomme mo Letšatšing la Pentecost, O tla go sepela le rena go kgabola leeto. Gomme O kgauswi kudu bjale.

²⁰⁴ Ge o tšwetše ntle, o hlhlathile kgole go tloga Gae; e re, “Morena, ke bowa Gae.” Ge re opela ye, ge o ka rata go sepelela godimo go aletara le go dira boikgafogape, le bjona, bja soulo ya gago, go Kriste? Amene.

Ke hlhlathetše kgole go tloga go Modimo, (go tšwa tseleng)
Bjale ke tla gae;
Tsela ya gosedumele (ke sebe) kgale ke e sepela,
Morena, ke tla gae.

Ke tla gae, ke tla gae,
Ga go sa le go tsekella gape;
Bula go phatlalala matsogo a Gago a lerato,
Bjale, Morena, ke tla gae.

²⁰⁵ [Ngwanešu Branham o tšwelapele go hama, *Morena, Ke Tla Gae*—Mor.]

²⁰⁶ Bašemane ba bannyane ba bararo ba sa tšo sepelela ntle, ka lebelo ka kgonthe, dikededi mahlong a bona, ba kwatame fase hleng le aletara. Nnete, ba lebaletšwe. Ba lebaletšwe pele ebile ba tlogela madulo a bona, ge ba tšere sephetho monaganong wa bona wo monnyane. Ba nno tla pele gomme ba kwatame fase fa, go dira batho ba tseba, ba ka lehlakoreng la mang, mo mosong wo.

²⁰⁷ Ke be ke nagana gore go tla ba le batho ba bagolo ba tla ratago go dira se, feela ba ratago go kwatama fase, le go re, “Morena, ke—ke hlhlathetše kgole le tsela. Ke bile le pelaelo ye ntši kudu, gomme dinako tše dinngwe ke hlhlathetše ntle gomme ke tsene sebeng. Bjale ke—ke nyaka go tla morago pele go eba thari. Modimo, ke—ke tla rata go tla. Ka kgonthe ke tla rata go tla le go kwatama fase.” Amene.

²⁰⁸ Bjale, basetsana ba bararo ba bannyane ba Arthur Beam, bogolo bja go nyaka go swana, ba tla godimo fa, ba kwatame fase.

²⁰⁹ Go tleng pele ke mosetsana yo monnyane yo a sa tšogo hwetša kgaetšedi yo monnyane wa gagwe kua gae. Letšatši le lengwe ke be ke no dula; Mdi. Wood o tla godimo gomme o mpoeditše, o rile kgaetšedi yo o be a eya sepetlele bakeng sa lesea. Moya wo Mokgethwa o rile, “Eya o ba botše e tla ba mošemane.” Ge le belegwe, e be e le mošemane yo monnyane.

²¹⁰ Go bonala go ba bana mosong wo, baisa ba bannyane ba etla ntle go tlelase ye nnyane ya Kgaetšedi Arnold, ba gafela maphelo

a bona. Aletara ka moka, go la go ja la ka, e tletše ka bana ba bannyane.

²¹¹ Go tla ba bose ge re ka opela sefela, aletara, go batho ka moka, (a g ka se?) ba bagolo.

Bjale, Morena, ke tla gae.

Ke tla gae . . . ? . . .

Ga go sa le go tsekella gape;

Bula go phatlalala matsogo a Gago a lerato,

Bjale, Morena, ke tla gae.

²¹² A re inamišeng dihlogo tša rena feela nakwana, bakeng sa thapelo, bakeng sa baisa ba bannyane ba.

²¹³ Tate wa Legodimong, ge go na le gosasa go go tlogo, ge Jesu a diega bakeng sa mengwaga ye mengwe ye lesome goba lesomehlano, ba e tla ba bašemane le basetsana ba ba tla rwalelago Molaetša go meloko ye mengwe e tlogo. Ga go pelaelo monaganong wa ka, Morena, eupša se matšatšing ohle a bophelo bja bona ba tla elelwa go tleng godimo go aletara ye. Gomme ke mabje a bohlokwa a mannyane, Morena. Dipelo tša bona tše dinnyane le go tematema di sotšwe mosong wo. Ebile ba se ba kwe Molaetša ohle; ba sa tšwa ka kamoreng, go kweng Kgaetšedi Arnold wa rena a bolela; ba sepeletše godimo aletareng fa, ba neela maphelo a bona a mannyane go Wena.

²¹⁴ Bjale, Tate, ke sa tšwa go fetša go bolela gore ka go rena go dula Moya wo Mokgethwa. Gomme Moya wo Mokgethwa wo, tumelo ka Moya wo, e dira dilo tšohle. Gomme ke a dumela gore yona iri ye, O lebalela sebe se sengwe le se sengwe se ba se dirilego. Gomme ke a Go kgopela, ka tumelo yohle ye e lego pelong ya ka, gore O tla boloka maphelo a bona a mannyane go theoga tsela. Anke ba se tsoge ba fapoga go tloga Tseleng.

²¹⁵ Se ka kgonthe ke selo sa go tlaba. Moya o boletše mosong wo, re tla “bona se sengwe sa go tlaba.” Modimo, ge O tlogetše go šomana le ba bangwe, tšea bana ba bannyane. Ka fao mosong wo, ka go pitšo ya aletara, ga go yo mogolo le o tee, eupša sehlopha ka moka sa bana ba bannyane se tla godimo. Efela, e bile Molaetša wo mogolo wo thata go kwega, ebile le go ba bagolo, eupša bana ba swere Moya wa Ona. Re leboga Wena bakeng sa bona, Tate. Ke ba neela go Wena, bjalo ka mohlanaka wa Gago, bjalo ka diala tša kopano ye; bakeng sa, go gopola gore Bogona bja ka mehla bja Meetse a Bophelo bo tla elela le bona ge feela ba sa phela. Anke ba be le tumelo bjale ka go feela se se diregilego, gore Modimo o ba gogile go tloga madulong gomme o ba rometše godimo fa, anke ba be le tumelo ka go Modimo yola matšatšing ohle a bophelo bja bona. Anke meboya ya bona ye mennyane e tlišwe go Wena mo letšatšing la lehu la bona; e tlišitšwe morago go mmele wa bona mo letšatšing la tsogo. Ke ba Gago, Tate. Re ba neela go Wena Leineng la Jesu.

216 Ge re sa na le dihlogo tša rena di kobilwe. Ke ya go kgopela bana ba bannyane bohle ba mo aletareng, bao ba dumelago gore Jesu ke Mophološi wa lena le Yena Yo a le boditšego, morago fale ka go batheeletši, go tla godimo fa le go kwatama fase go dikologa aletara ye. A le a dumela gore Jesu o a le rata gomme o le lebalela dibe tša lena? Ke nyaka bohle le eme ka maoto a lena gomme le lebelele morago fa go batheeletši. Ye, yeo ke tsela le ka botšago batho gore le dumela gore Jesu o a le phološa. Bjale emelelang ka maoto a lena, yeo ke nnete, gomme le lebelele thwi morago go leba batheeletši. Gomme lena bašemane le basetsana ba bannyane bao ba ratago Jesu, emelelang gomme le lebelele morago go leba phuthego fale, yo mongwe le yo mongwe wa lena.

217 Go reng ka lena basetsana ba bannyane fa mo pele? A le a dumela? A le rata Jesu? Basetsana ba bannyane fa, a le rata Jesu ka pelo ya lena yohle? A le a dira? Le a Mo rata? O a Mo rata, moratiwa? Emelela godimo fa, dira batho ba tsebe o rata Jesu. Modimo a go šegofatše.

218 Bjale a re retologeleng ka tsela *ye* gomme re opelele batho ba pele re tloga, “Jesu o a nthata! Se ke a se tseba. Beibele e mpotša bjalo.” Le a bona? Anke re no phagamišang diatla tša rena ge re e opela bjale. Go lokile, a re e opeleng.

Jesu o a nthata! se ke a se tseba,
Gobane Beibele e mpotša bjalo;
Ba bannyane ke ba Gagwe,
Ba a fokola . . .

219 Bjale ka diatla tša lena godimo, ke ba bakae ka fa ba nyakago—nyakago go ba fale?

Ee, Jesu o a nthata,
Ee, Jesu o a nthata,
Ee, Jesu o a nthata,
Beibele e mpotša bjalo.

220 Bjale bohle le boeletša ka morago ga ka: [Bana mo aletareng ba boeletša ka morago ga Ngwanešu Branham—Mor.] Ke a dumela Jesu Kriste ke Morwa wa Modimo. Lehono ke Mo amogela bjalo ka Mophološi wa ka wa sebele. Go tloga letšatšing le, go ya pele, ke tla Mo rata le go Mo hlankela. Amene.

221 [Ngwanešu ka phuthegong o re, “Ngwanešu Branham, ke ne bana ba bane mo pelong ya ka mo nakong ye. A hle o ka ba rapelela?”—Mor.] Kgontho ke tla dira, Ngwanešu Ben.

222 Tate wa Legodimong, monna yo o bona gore bana ba bangwe ba bannyane ba tla go Kriste, gomme o goeletša ntle, bjale ka tate, bakeng sa ba bannyane ba gagwe. Gomme Moya woo o tlišitšego ba bannyane ba go aletara, anke Moya wola wa go swana o phološe bana ba gagwe, Morena. E fe. Re ba neela go Wena, Tate, Leineng la Jesu Kriste.

²²³ Bjale ge lena baisa ba bannyane le eya morago go madulo a lena, ke nyaka yo mongwe le yo mongwe go bapa mothaladi wola go šikinya diatla le bana ba bannyane ba, goba go ba phaphatha ge ba eya morago. Bohle le ya morago madulong a lena, ka tsela *ye*. Gomme anke yo mongwe le yo mongwe go bapa fale a no phaphatha baisa ba bannyane. Gomme re le rata ka dipelo tša rena tšohle. Le maloko a Mmele wa Kriste, feela bontši ka go Ona bjalo ka ka moka ga rena.

Re a matšha go ya Tsione,
Tsione ye botse, ye botse;
Re matšhetša godimo go ya Tsione,
Ye botse Toropokgolo yela ya Modimo.

Etlang, rena ba re ratang Morena,
Gomme re dire mathabo a rena a tsebja,
Tšoenang ka pineng ka kwano bose,
Tšoenang ka pineng ka kwano bose,
Gomme bjalo rarelang terone,
Gomme bjalo rarelang. . .

Yeo ke go opela go gogolo gabotse! A re phagamišeng diatla tša rena bjale.

Re a matšha go ya Tsione,
Tsione ye botse, ye botse;
Re matšhetša godimo go ya Tsione,
Ye botse Toropokgolo yela ya Modimo.

A re no šikinyang diatla tša renabeng ge re opela bjale.

Re a matšha go ya Tsione,
Tsione ye botse, ye botse;
Re matšhetša godimo go ya Tsione,
Ye botse Toropokgolo yela ya Modimo.

²²⁴ Bjale a re emeng le dihlogo tša rena di inamišitšwe, ge re. . . E raloke Ngwanešu Teddy, feela na. . . [Ngwanešu Branham o thoma go hama, *Re Matšhetša Tsione*—Mor.]

²²⁵ Ke ne dikgopelo tsoko fa, le disakatuku le go ya pele. Di ka no be di etšwa mošwamawatle. Billy o be a mpotša ba bile le para e nnyane ya diaparwana go tšwa go lesea mošola ka Engelane, e ka ba botelele *bjoo*, selo se sennyane se golofetše gohle. Gomme kafao re be re swanetše go le rapelela, le lona.

²²⁶ Gomme kafao. . . [Ka phuthegong, Ngwanešu Ben o re, “Ngwanešu Branham, hle ntshwarele go šwahleleng, eupša rapela gore, yo a thutšego koloi ya rena bošegong bja go feta, ka go fender ya ka pele ka go la go ja la ka, rapela gore seo se utollwe. Rapela gore Morena a e utolle.”—Mor.] Amene, Ngwanešu Ben, kgonthe ke tla dira seo.

²²⁷ [Ngwanešu Branham o tšwelapele go hama, *Re Matšhetša Tsione*—Mor.]

228 Ge re matšha, Morena, re tseba gore Leswika lela le bethilwego le thwi kgauswi le rena, Bogona bja ka mehla bja Meetse go tšwa Leswikeng bo sepela le Kereke. O Modimo wa Kagosafelego, lokollela go rena, mosong wo, tumelo ka go Modimo yo a lego le rena. Ke a tseba O tla dira, feela ge re ka kgona go hwetša kgaogelo le Wena, gore O ka re tshepa ka Ona. Ge O ka re fa Ona ka boati, re ka no A šomišagampe, Morena. Eupša ge re hwetša mogau le Wena, a e direge.

229 Ngwanešu o rile yo mongwe o thutše koloi ya gagwe. O Modimo, re a tseba monna ga a ne tšhelete go dira dilo tše. Ke a rapela gore O tla tliša moisa ka tlase ga boitsholo, goba se sengwe, a ke a sokologe go direng se, a tle, a re, “Ngwanešu, ke tla lokiša koloi ya gago, ke e dirile.” Thuša Ngwanešu Ben le baratwa ba gagwe.

230 Fa ka seatleng sa ka go letše disakatuku le dikgopelo, ba ne tumelo ka go Modimo wola. Moshe o bile le tumelo ka go Modimo yola, gomme o tshetše lewatle. Daniele o bile le tumelo ka go Modimo yola, gomme o ntšhitšwe legolong la ditau. Shadrake, Meshaka, le Abednigo, ba bile le tumelo ka go Yena, gomme ba timile mollo. Paulo o bile le tumelo ka go Yena, gomme letšatši le lengwe ge ditirelo di be di le bothata ka kgonthe gomme Paulo a se kgone go fihla go yo mongwe le yo mongwe, o nno tšea sakatuku, o rile, “Ke a dumela gore Modimo o ne nna.” O beile diatla tša gagwe godimo ga disakatuku le dithetwana, gomme meboya ye mebe e tšwile bathong, le malwetši le mekomane e tlogile go bona. Gomme, Modimo, ke ne tumelo ka go Modimo wa go swana. Anke bobbe bo tloge. Malwetši, mekomane, ditlaišo, anke di sepele, Morena.

231 O Modimo wa go swana yoo a boletšego le nna tlase fale ka go Pilara yela ya Mollo, tlase nokeng. Wena o Yena yoo o nago le seswantšho sa Gago se lekeletše fa le nna, mo lebotong. O ne rena, Morena. Wena o gona ka mehla, Pilara ya Mollo yela ya go swana. Gomme re ipshinne ka Meetse go tšwa Leswikeng letšatši le lengwe le le lengwe, ge re gahlana ka Moya. Gona, O fa. Re ne boitshepo ka go Wena, Morena. Re ne tumelo ka go Wena. Re a dumela gore O tla re tlotša le go re thuša. E sego bakeng sa letago la rena, Morena; re tla ba bjalo ka Moshe gona, ge a dirile selo sa phošo. Re nyaka go dira se sengwe go Go thuša, Morena. Ao ke maikemišetšo a pelo ya rena, go Go thuša, ge re ka kgona go e dira. O a re bontšha, Tate, e ka ba eng O nyakago re e dire.

232 Gomme bjale, godimo ga tiro ya tumelo, ke ahlola bolwetši bjoo disakatuku tše di bo emetšego, le dikgopelo tše. A tla tlogela batho. Ke a tseba O tla e dira, Morena. Ke a e dumela, ka pelong ya ka, gore O tla e dira. Fodiša malwetši ka moka magareng ga rena mosong wo.

233 Phološa bale ba ba phagamišitšego diatla tša bona, ba ba boletšego ba tla rata go tla Leswikeng, bakeng sa Meetse.

Modimo, anke ba nyorwe kudu lehono, anke go be le bophelo bja letswai go ba dikologa, go fihla go ba dira go nyorelwa Kriste. E fe.

²³⁴ Eba le rena bošegong bjo, Tate. O Modimo, anke ke hwetše, ka dikgopelo tše, se se lego dipelong tša batho. Ge go se ne selo pelong ya bona, gona, Morena, O mpha se sengwe go rerela dipelo tša bona bošegong bjo.

²³⁵ Šegofatša Ngwanaborena Neville, le mosadimogatša wa gagwe, lapa la gagwe; kereke ya rena ye nnyane, bahlokomelaphahlo ba rena, matikone a rena, maloko a rena. Le Mmele wa Gago mogohle, eba le rena, Tate. Re gafela se diatleng tša Gago, Leineng la Jesu Kriste.

Tsione; re matšhetša godimo Tsione,
Ye botse Toropokgolo ya Modimo.

Bjale a re no e opelang, ka kgonthe, ka kgonthe go Yena bjale. Le a bona?

Etlang, rena ba re ratago Morena,
Gomme re dire mathabo a rena a tsebja,
Hlakanang ka go pina ya mmero wo mobose,
Hlakanang ka go pina ya mmero wo mobose,
Gomme bjalo rarelang terone,
Gomme bjalo rarelang terone.

Ka dipelo tša rena di inamišitšwe bjale.

Re a matšha go ya Tsione,
Tsione ye botse, ye botse;
Re matšhetša godimo go ya Tsione,
Ye botse Toropokgolo ya Modimo.



MEETSE A KA MEHLA GO TŠWA LESWIKENG NST61-0723M
(The Ever-Present Water From The Rock)

Molaetša wo ka Ngwanešu William Marrion Branham, setlogong o abilwe ka Seisimane mosong wa Lamorena, Julae 23, 1961, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org